

چند علیہ

مشیت جلیلہ اسلامیکہ جریدہ رسیمہ پیدر

ربیع الاول ۱۳۳۶

عدد: ۳۴

آیدہ بر نشر اولنور

در دجی سنہ

قوانین و نظامات

حقوق عائله قرارنامه سی

[تقویم وقایع نشری تاریخی: ۱۴ محرم ۱۳۳۶ و ۳۱ تشرین اول ۱۳۳۳ — نوسروسی: ۳۰۴۶]

مناکحات — مفارقات

کتاب اول

مناکحات حقنده در

باب اول

فصل اول

نشانات عمق حقنده در

- ماده : ۱ نشانات عمقه ویا وعد ایله نکاح منعقد اولماز .
- ماده : ۲ سوز کسیدکدن صکره طرفیندن بری نکاحدن امتناع ویا وفات ایتسه خاطبک مهره محسوباً ویرمش اولدینی شیلر موجود ایسه عیناً وتلف اولمش ایسه بدلاً استرداد اولنه بیلیر . اما هدییه اوله رق طرفینک یکدیگره ویردیکی شیلر حقنده هبه احکامی جریان ایدر .
- ماده : ۳ ایکنجی ماده نك حکمی غیر مسلمره عائد تراخومه حقنده دخی جاریدر .

فصل ثانی

اهلیت نکاح حقنده در

- ماده : ۴ اهلیت نکاحی حائز اولمق ایچون خاطبک اون سکیز وخطوبه نك اون یدی یاشنی آتام اتمش اولملری شرطدر .
- ماده : ۵ اون سکیز یاشنی آتام اتمش اولان مراهق بالغ اولدینی بیان ایله مراجعت ایتدکده حالی متحمل ایسه حاکم ازدواجنه مساعده ایده بیلیر .

- ماده : ۶ اونییدی یاشنی آتام ایتامش اولان مراهقه بالفه اولدیغنی بیان ایله مراجعت ایتدکده حالی متحمل وولیسنك اذنی منضم ایسه حاکم ازدواجنه مساعدده ایده بیلیر.
- ماده : ۷ اونی ایکی یاشنی آتام ایتامش اولان صغیر ایله طقوز یاشنی آتام ایتامش اولان صغیره هیچ برکیمسه طرفندن تزویج ایدیله من .
- ماده : ۸ اونییدی یاشنی آتام ایتامش اولان کیره ، بر شخص ایله تزویج ایتمك اوزره مراجعت ایتدکده حاکم کیفیت وایسنه تبلیغ ایدر وولی اعتراض ایتدیکی ویا اعتراضی وارد کورلیدیکی حالده ازدواجنه مساعدده ایلر .
- ماده : ۹ مجنون ایله مجنونه نك بر ضرورته مبنی اولدقجه نکاحلری جائز دکلدر . ضرورت بولمادینی تقدیرده حاکمك اذنیله نکاحلری ولیرلی طرفندن عقد اولنور .
- ماده : ۱۰ نکاحده ولی علی الترتیب بنفسه عصبه اولان کیمسه لردر .
- ماده : ۱۱ ولایت اهلیتده ولینك مکلف اولمی شرطدر . صبی ، مجنون ومعتوهك هیچ برکیمسه اوزرنده ولایتی یوقدر .
- ماده : ۱۲ عیسویلرده یکریمی ایکی یاشنی آتام ایتامش اولان خاطب ایله یکریمی یاشنی آتام ایتامش اولان مخطوبه نك نکاحنك انعقادنده ولینك رضاسی شرطدر .

باب ثانی

فصل اول

نکاحی ممنوع اولانلر حقندهدر

- ماده : ۱۳ باشقه سنك منکوحه ویا معتده سیله ازدواج ممنوعدر .
- ماده : ۱۴ منکوحه ویا معتده اوله رق درت زوجہ سی بولنان کیمسه نك دیگر بر قادین ایله ازدواجی ممنوعدر .
- ماده : ۱۵ برکیمسه اوج طلاق ایله تطلیق ایلدیکی قادینی بینونت قطعیه باقی اولدقجه تزویج ایده من .
- ماده : ۱۶ نسباً ویا رضاعاً یکدیگرینه محرم اولان ایکی قادینی نکاحده جمع ایتمك ممنوعدر . ایکی قادینك یکدیگره محرم اولمی ایکیشندن هانکیسی ارکك فرض ایدیلرسه دیگریه تزویج مؤبدأ ممنوع اولقله معلوم اولور ؛ ایکی همشیره کبی .

اما يالکيز بری ارکک فرض ايدلديکی حالده ديکري تروج ايتمی ممنوع اولوب امر بر عکس ايدلديکی تقدیرده ممنوع اولمازسه ايکيسي نکاحده جمع ايديله بيلير ؛ قيزايه اوکی والده کي.

ماده : ۱۷ بر ارکک ايله يينلرنده قرابت نسيه بولنان ذی رحم محرم قادينلرک نکاحی مؤبدأ ممنوعدر . بوقادينلر درت صنفدر :

برنجیسی ارککک والدهسی و جسده لری ؛ ايکنجیسی قیز اولاد و احفادی ؛ اوچنجیسی علی الاطلاق قیز قرده شلری و قرده شلرينک قیز اولاد و احفادی ؛ دردنچیسی علی الاطلاق عمه لری و تيزه ليردر .

ماده : ۱۸ بر ارکک ايله يينلرنده رضاعاً قرابت بولنان قادينلرک تروجی ماده سابقهده محرر ذی رحم محرم قادينلرکي مؤبدأ ممنوعدر .

ماده : ۱۹ بر ارکک ايله يينلرنده مصاهره بولنان قادينلرک تروجی مؤبدأ ممنوعدر . بو قادينلر درت صنفدر : برنجیسی کينلردرکه ارککک اولاد و احفادينک زوجه ليردر ؛ ايکنجیسی قاین والده لردرکه زوجه سنک آماسی و علی الاطلاق جدآيدير ؛ اوچنجیسی اوکی والده لردرکه باباسنک و جدلرينک زوجه ليردر ؛ دردنچیسی اوکی قيزلردرکه زوجه سنک قيزلری و زوجه سنک اولاد و احفادينک قيزليردر . لکن بو دردنچي صنفده ممنوعيت ايجون زوجه يه قرب لازمدر . نکاح فاسد اوزرينه تقرب ممنوعيت مصاهره حصوله کتيرر .

فصل ثانی

موسويلر حقنده نکاحی ممنوع اولانلره متداثردر

ماده : ۲۰ بر کيمسه بر حیات اولان زوجه مطلقه سنک همشيره سيله ازدواج ايده منر .
ماده : ۲۱ علی الاطلاق زوجدن آيرلش اولان بر قادين شخص آخر ايله ازدواج ايدوب اونندن ده آيرلقدن صکره زوج اوليله ازدواج ايده منر .

ماده : ۲۲ بر کيمسه نک قرده سنک قیز اولاد و احفاديله ازدواجی ممنوع دکلددر .
ماده : ۲۳ اون طقوزنجی مادهده دردنچي صنف اوله رق بيان اولنان محارمه مجرد عقد ايله ممنوعيت مصاهره ثابت اوله جفی کي تقرب وقوع بولسون بولمسون علی الاطلاق نکاح فاسد ايله دخی ممنوعيت مصاهره ثابت اولور .

- ماده : ۲۴ زنا سبيله تفريق اولئان قادي تيكرار تزوج ممنوعدر .
 ماده : ۲۵ اولادي اولديني حالده وفات ايدن برادر ك زوجه سني تزوج ممنوعدر .
 ماده : ۲۶ رضاع موانع نكاحدن معدود دكلدر .

فصل ثالث

عيسويئر حقنده نكاحي ممنوع اولانلره متدائردر .

ماده : ۲۷ براصلدن منشعب خط منكسر اوزره قرابت نسيه و صهریه اصحابي ييتنده ازدواج ممنوعدر . شوقدر كه بو ممنوعيت يديجي درجه يي تجاوز ايده من . آنجق اسباب ضروريه موجود اولديني حالده درديجي درجه دن اعتباراً حاكمدن مأذونيت استحصال ايديله بيلير . درجات مذكوره قرابت نسيه و صهریه ده خاطب و مخطوبه ايله اصل مشتركري ييتنده كي بطنارك عدديه تعين ايدر . و قرابت صهریه نك درجه سني تعينده خاطب ايله مخطوبه شخص واحد اعتبار اولتور .

ماده : ۲۸ ممنوعيت مصاهره نكاحك زوالندن صكره دخی كاكان باقيدر .
 ماده : ۲۹ وافتيزدن متولد قرابت مذاهب مختلفه عيسويه احكامنه توفيقاً مانع ازدواجدر .

ماده : ۳۰ بر كيمسه تحت نكاحنده ايكي ودها زياده قادين جمع ايده من .
 ماده : ۳۱ اوچ دفعه ازدواج ايدن بر كيمسه نك درديجي دفعه ازدواجي ممنوعدره .
 ماده : ۳۲ رضاع موانع نكاحدن معدود دكلدر .

باب ثالث

فصل اول

نكاحك عقدی حقنده در .

ماده : ۳۳ عقد نكاحك اجراسندن اول كيفيت اعلان اولتور .
 ماده : ۳۴ عقد نكاح ائناسنده مكلف ايكي شاهدك حضوري نكاحك مختنده شرطدر . خاطب ايله مخطوبه نك اصول و فروعده شاهد اتخاذا ايديله بيلير .

ماده : ۳۵ نکاح مجلس نکاحده طرفینک ویا وکیالرینک ایجاب وقبولیله عقد اولور .

ماده : ۳۶ نکاحده ایجاب وقبول تنکیح وتزویج کبی صریح لفظلرله اولور .
ماده : ۳۷ انهای عقدده خاطب ومخطوبه دن برینک اقامتکاهی بولنان قضا حاکمی ویا بونک اذتنامه مخصوص ایله مأذون قلدینی نائب حاضر بولنوب عقد نامه یی تنظیم وتسجیل ایدر .

ماده : ۳۸ اوزرینه اولنمه مک واولندیکی صورتده کنیزی ویا ایکنجی قادین بوش اولوق شرطیله برقادینی تزوج صحیح وشرط معتبردر .
ماده : ۳۹ اشبو فصل احکامی موسویلر حقنده دخی جاریدر .

فصل ثانی

عیسویلر حقنده نکاحک عقدینه دائردر .

ماده : ۴۰ عیسویلرک نکاحی آیین دینلری دائره سنده مأمورین روحانیه طرفندن اجرا اولور .

ماده : ۴۱ مأمورین روحانیه طرفینک هویتی مشعر اوراق ثبوتیه یی بعدالتدقیق تحقیقات لازمه ده بولنه جنی کبی معابد قولرینه اعلاننامه لر تعلیق ویا صور سائر ایله کیفیتی اعلان ایدر .

ماده : ۴۲ عقد نکاحه اعتراض وقوعنده مأمورین روحانیه کیفیتی بالتدقیق اعتراض واقعی غیر وارد کوردکری حالده ،أمور مخصوص حضوریه عقدی اجرا ایدر .

ماده : ۴۳ نکاحی اجرا ایده جک اولان مأمور روحانی کیفیتی لاقول یکر می درت ساعت اول محلی محکمه سنه اخباره مجبوردر . حاکم وقت معینه مجلس نکاحه بر مأمور مخصوص اعزام ایله اجرا ایدیلن نکاحی دفتر مخصوصه قید وتسجیل ایتدیردر .

ماده : ۴۴ عقدک اجرا سنندن امتناع ایدن رؤسای روحانیه حقنده طرفین محلی محکمه سنه مراجعت ایله امتناع واقعه اعتراض ونکاحک اجراسنی طلب ایده بیلیر .
اسباب امتناعی مبین برورقه موجود اولدینی تقدیرده حاکم کیفیتی بالتدقیق موانع قانونیه دن بری بولنمازسه عقدی اجرا ایدر . بویه برورقه موجود دکلسه برآی

ظرفنده اسباب امتناعك بيلديرلسنى وعكسى تقدیده نكاحك عقد ايديله جكنى رؤسای روحانيه تبليغ ايدر.

فصل ثالث

كفائت حقنده در

ماده : ۴۵ مال و حرفت كې خصوصاتده ار ككك قادينه كفو اولمى نكاحك لزومنده شرطدر .

مالده كفائت زوجك مهر معجلى اعطايه و زوجه نك نفقه سنى تداركه مقتدر اولمىدر .
حرفنده كفائت زوجك سلوك ايتديكى تجارت ويا خدمتك شرحه زوجه و ليلرينك تجارت ويا خدمتريه متقارب اولمىدر .

ماده : ۴۶ كفائت ابتدای عقدده آرانيه . بعد العقد زائل اولسه نكاحه ضرر ویرمنه .
ماده : ۴۷ بر كيره و ليسنى كتم ايله رضاسنى استحصال ايتكسزین نفسى آخره تزويج ايتديكى صورتده نظر اولنور : اكر كفوينه تزويج ايتمش ايسه عقد لازم اولور ، ولو كه مهر مثلندن نقصان ايله اولسون . اما كفوى اوليان كيمسه يه تزويج ايتمش ايسه ولى حاكمه مراجعتله نكاحى فسخ ايتديره بيلير .

ماده : ۴۸ ولى كيره ني رضاسيله عدم كفائتنى ايكيسنك ده بيلمكلى بر ارككه تزويج ايتدكدن صوكره كفو اولمادى تين ايتسه هيسچ برينك اعتراضه صلاحيتى اولماز . اما حين عقدده كفائت شرط قيلنمش ويا زوج كفو اولدېقى قبل التزويج اخبار ايتمش اولوبده مؤخرأ عدم كفائتى ثابت اولسه هر برى حاكمه مراجعتله نكاحى فسخ ايتديره بيلير .

ماده : ۴۹ درجه لرى مساوى و ليلردن برينك رضاسى ديكرلرينك حق اعتراضى اسقاط ايدر . كذلك ولى اقرب غائب ايكن درجه بعيد اولان و لينك رضاسى اونك حق اعتراضى اسقاط ايدر .

ماده : ۵۰ عدم كفائت سبيله حاكم نكاحى آنجق حاكم ظهورندن اقدم فسخ ايديه بيلير . و لينك دلالة ويا صراحة رضاسى حق فسخى اسقاط ايدر .

ماده : ۵۱ اشوفصلك احكامى غير مسلملر حقنده جارى دكلدر .

باب رابع

فصل اول

نكاحك فساد و بطلاني حقنده در

ماده : ۵۲ حين عقدده طرفيند بري شرائط اهليتي حائز بولتمازسه نكاح فاسد اولور .
 ماده : ۵۳ اون آلتنجي ماده موجبنجه نكاحده جمعري ممنوع اولان ايكي قاديئندن
 بري تحت نكاحده ايكن ايكنجيسنك نكاحي فاسددر .

ماده : ۵۴ نكاحلرينك ممنوعيتي ۱۳ ، ۱۴ ، ۱۵ ، ۱۷ ، ۱۸ ، ۱۹ نجى ماده لرده
 بيان اولنان قاديئلردن بريني نكاح فاسددر .

ماده : ۵۵ نكاح متعه وموقت فاسددر .
 ماده : ۵۶ بلا شهود عقد اولونان نكاح فاسددر .
 ماده : ۵۷ اكراه ايله وقوعبولان نكاح فاسددر .
 ماده : ۵۸ غير مسلمك برمسلمه ني تزوجي باطلدر .

فصل ثاني

موسويلره متعلق نكاحك فساد و بطلاني حقنده در .

ماده : ۵۹ ۱۳ ، ۱۴ ، ۱۶ ، ۱۷ ، ۱۹ ، ۲۰ ، ۲۱ ، ۲۲ ، ۲۳ ، ۲۴ ،
 ۲۵ نجى ماده لر موجبنجه نكاحي ممنوع اولان برقاديئي نكاح فاسددر :

ماده : ۶۰ باب اولك فصل ثاينسده محرر مواد موجبنجه طرفيند بري
 شرائط اهليتي حائز بولتمازسه نكاح فاسد اولور .

ماده : ۶۱ حين عقدده طرفيند برينك نفقه اوله رق درميان ايديلن شروط
 بعدالعقد تحقق ايتمزسه نكاح فاسد اولور .

ماده : ۶۲ عقد نكاحده حاضر بولنان شهود اوصاف مطلوبه ني حائز بولتمازسه
 نكاح فاسد اولور .

فصل ثالث

عيسويلره متعلق نكاحك فساد و بطلاني حقنده در .

ماده : ۶۳ ۱۷ ، ۲۷ ، ۲۸ ، ۲۹ نجى ماده لر موجبنجه بينلرنده درجات معينه
 اوزره قرابت ومناسبت بولنانلرك ازدواجي باطلدر .

- ماده : ۶۴ نکاح موجود اوزرینه عقد ایدیلن ایکنجی نکاح باطلدر .
 ماده : ۶۵ اوچ دفعه تزوج ایدوب آیرلدقدن صکره دردنجی دفعه تزوج باطلدره .
 ماده : ۶۶ منجونک نکاحی فاسددر .
 ماده : ۶۷ حین عقدده طرفینک برنده مانع تقرب امراض واحوالدن برشی موجود اولدوغی صورتده نکاح فاسد اولور .
 ماده : ۶۸ حین عقدده باب اولک فصل نائیسنده محرر مواد موجبجه طرفیندن بری شرائط اهلیتی حائزبولمازسه نکاح فاسد اولور .

باب خامس

فصل اول

نکاحک احکامی بیانندهدر

- ماده : ۶۹ نکاحک صحیحاً انعقادیه برابرزوج اوزرینه زوجهنک مهر ونفقہسی لازم کلیر وآره لرنده حق توارث ثابت اولور .
 ماده : ۷۰ زوج کندی ایستدیکی محلهده زوجہسی ایچون بالجله لوازمیه برمسکن شرعی تدارکنه مجبوردر .
 ماده : ۷۱ زوجہ مهر معجلی استیفادن صکره زوجنک مسکن شرعی اولان خانه سنده اقامته وزوجی بشقه مملکتہ کیتنک ایستدکده برمانع بولنمدینی تقدیرده برلکده عزیمته مجبوردر .
 ماده : ۷۲ زوج خانه سنده غیر میز ولد صغیرندن بشقه اهل واقاربی زوجهنک رضای اولقسزین اسکان ایده من . زوجہ دخی زوجی راضی اولدجقه کندی اولاد واقاربی برلکده اسکان ایلمه من .
 ماده : ۷۳ زوج زوجہسیله حسن معاشرته زوجہ دخی امور مباحدهده زوجنه اطاعته مجبوردر .
 ماده : ۷۴ متعدد زوجہسی اولان کیمسه اونلر بیتنده اجرای عدالت ومساواته مجبوردر .
 ماده : ۷۵ تقرب وقوع بواسون بولسون علی الاطلاق نکاح باطل ایله هنوزتقرب

وقوعبوليان نکاح فاسد اصلاً حکم افاده ایتمز . بناءً علیه پینلرنده نفقه ، مهر ، نسب ، عدت ، حرمت مصاهره و توارث کی نکاح صحیح احکامی ثابت اولماز .

ماده : ۷۶ . نکاح فاسدده تقرب وقوعبولش ایسه اشبو تقرب اوزرینه یالکیز مهر وعدت لازم و نسب و حرمت مصاهره ثابت اولور . فقط نفقه و توارث کی احکام ثابت اولماز .

ماده : ۷۷ . علی الاطلاق نکاح باطل و فاسدده طرفینک زوجیت اوزره بقالری ممنوعدر . مفارقت ایتمدکری صورتده بالمحا کمه پینلری تفریق اولنور .

فصل ثانی

عیسویلره متعلق نکاحک احکامنه متدائر

ماده : ۷۸ . نکاح فاسدی فسخ ایله طرفینی تفریق حکم ایچون دعوی شرطسدر . بو بایده حق دعوی منحصرأ زوجینه عائد اولوب سبب فساد اطلاق تاریخندن اعتبارأ برسنه مرورنده ساقط اولور .

ماده : ۷۹ . ۶۴ نجی ماده موجبجه باطل اولان نکاح سبب بطلان بیانیمیه رک عقد ایلمش ایسه اوندن متولد چوچق مشروع عدا یندیلیر .

باب سادس

فصل اول

مهر حقندهدر

ماده : ۸۰ . مهر یا مهر مسادرکه طرفینک آز ویا چوق تسمیه ایتمدکری مالدر . ویا مهر مندرکه زوجهنک باباسی طرفندن و اولمدینی تقدیرده بلده سی اها لیسندن اقران و امثالی قادیلرک مهریدر .

ماده : ۸۱ . مهر مسانک تماماً ویا قسماً تعجیل و تأجیلی جائزدر .

ماده : ۸۲ . مهر مؤجلده بر مدت تعیین ایلمش ایسه حلولندن اول مطالبه یه زوجهنک حتی یوقدر . ولوکه طلاق وقوعبولش اولسون . اما زوجک وقاتیله اجل ساقط اولور . مدت تعیین ایلمش ایسه طلاق ویا زوجیندن برینک وقاتی وقوعنه قادار مؤجل عد اولنور .

ماده : ۸۳ عقد صحیحده مهر تسمیه ایدلیدی تقدیرده احد طرفینك وفاتی ویا اجتماع صحیحدن صکره طلاق وقوعی ایله مهرمسمی تماماً لازم کلیر. اما اجتماع صحیحدن اول طلاق وقوعبولورسه مهر مسمانك نصفی وعدم کفائت دولایسیله ولیسنك زوجیه یی تفریق ایتدیرمسی کی برصورتله زوج طرفدن افتراق وقوعبولورسه تمامی ساقط اولور .
ماده : ۸۴ عقد صحیحده مهر تسمیه ایدلمدیکی ویا ایدیلوبده اشبو تسمیه فاسد اولدینی تقدیرده احد طرفینك وفاتی ویا اجتماع صحیحدن صکره طلاق وقوعی ایله مهر مثل لازم اولور. اما اجتماع صحیحدن اول طلاق وقوعبولورسه متعه لازم کلیر . متعه مهر مثلك نصفی تجاوز ایتامك اوزره عرف وعادته کوره تعیین ایدیلیر.

ماده : ۸۵ عقد فاسدده تقریدن صکره افتراق وقوعنده اکر مهر تسمیه ایدلش ایسه مهرمسمی ایله مهر مثلدن اقلی وتسمیه ایدلمه مش ویا فاسداً تسمیه ایدلش ایسه بالغاً مابلغ مهر مثل لازم کلیر. اما تقریدن اول افتراق وقوعبولورسه اصلا مهر لازم کلر.
ماده : ۸۶ تسمیه مهرده اختلاف اولنوبده تسمیه ثابت اوله مدینی تقدیرده مهر مثل لازم کلیر . شو قدرکه تسمیه یی ادا ایدن طرف زوجیه ایسه مهر اونك ادا ایتدیکی مقداری تجاوز ایتمز. زوج ایسه اونك ادا ایتدیکی مقداردن دون اولماز.
ماده : ۸۷ مهر مسمانك مقدارنده اختلاف اولنوبده زوج مهر اولسی متعارف اولان برشی ادا ایتدیکی حالده سوز اونکدر.

ماده : ۸۸ برکیمسه مرض موتنده تزوج ایدلیکی صورتنده مهر مسمازوجه نك مهر مثله مساوی ایسه زوجیه اونی ترکه سندن اخذ ایدر. زیاده ایسه فضله سی حقنده وصیت حکمی جریان ایدر.

ماده : ۸۹ مهر منکوحه نك مالی اولوب اونکله جهاز یا یمقه جبر اولونا نماز.
ماده : ۹۰ برقریزی تزویج ویا تسلیم ایچون ابوبن ویا اقرباسنك زوجدن آچقه واشیای سائره آللری ممنوعدر.

ماده : ۹۱ اشبو فصل احکامی غیر مسلملر حقنده جاری دکدر.

فصل ثانی

نفقه حقنده در

ماده : ۹۲ نفقه زوجینك معین بر شی اوزرینه تراضیسی ویا حاكم قضاسی

ایله لازم الادا اولورو بو صورتله تقدیر ایدیلی نفقه اسعارک قییری ویا عسر و یسر اعتباریه احوال زوجینک تبدلی ویا قدر کفایه دن دون ویا افزون تقدیر ایدلشی اولدیقتک تحقیق اوزرینه تزیید ویا تنقص ایدیه سله .

ماده : ۹۳ نفقه تعجیل ایله معجل اولور . وزوجه طرفدن بعد الاستیفا یدنده عیناً موجود ایکن وفات ویا طلاق وقوع بولسه استرداد اولنه ماز .

ماده : ۹۴ زوج حاضر زوجه سنی اتفاقاً امتناع ایدوب زوجه فقه طلب ایدر ایسه حاکم یوم طلبدن اعتباراً طرفینک حاله کوره فقه تقدیر ایدر . تعیین ایده جکی مدتلر ایچون بشین ویرلمسنی امر ایلر .

ماده : ۹۵ تقدیر و تمجیلدن اول مہرور ایدن مدتك نفقہ سی ساقط اولور .

ماده : ۹۶ زوج زوجه سنی اتفاقین عاجز قالوبده زوجہ نفقہ طلب ایدر سہ
حاکم زوج ذمتده دین اولتی اوزرہ یوم طلبدن اعتباراً نفقہ تقدیر ایدرہ و زوج نامنه
استدانه اتمسی المحون زوجہ به اذن و بررہ

ماده : ۹۷ زوج زوجه سنی بالانفقه ترك ايله اختفا يا خود مدت سفر بعيد ويا دها قريب بر محله كیده رك تعيب ايدر ويا مفقود اولورسه حاكم زوجة نك زوجيت حقتده اقامه ايدجكي بينه اوزرينه زوجك نفقه ترك ايتديكنه والا ن ناشزه وعدتي كچمش مطلقه اولمديغنه زوجيني تحليف ايتدكدن صكره يوم طلبدن اعتباراً نفقه تقدير ايدر. ولدی الحاحه زوج نامنه استدانه ايتمی ایچون زوجیه اذن ورر .

ماده : ۹۸ معسرہ اولان زوجہ نك مواد سابقہ موجبہ حاكم طرفدن استدانہ يہ
مأذون قلندي يہ يرلرده ذات الزوج اولمدينی تقديرده تفقه سی کیمہ عائذ ایسہ عندالطلب
اونك زوجہ يہ اقراض ایتمی لازم کلیر . وایریده یالکز زوجہ حق رجوعی اولور .
اما زوجہ اجنبدن استدانہ ایتمش ایسہ دائن دیلرسہ زوجہ دن، دیلرسہ زوجدن مطالبه ایدر .

ماده : ۹۹ زوج غائبك باشقه سی یندنه ویا ذمتنده مالی بولورومستودع ویا مدیون کندی یندنه ویا ذمتنده مال اولدیغنی وزوجیتی اقرار ایدر ویا انکاری حالنده خصوصات مذکوریهی زوجیه بالینه اثبات ایلر ایسه حاکم زوجك کندیسنه فقهه ترك ایتدیکنه والآن ماشزه وعدتی کچمش مطلقه اولمدیغنه دائر زوجیهی تخلیف ایتدکن صکره او مالدن ویا ثمتدن ویرملك اوزره زوجیهیوم طلبدن اعتباراً فقهه تقدیر ایدر.

ماده : ۱۰۰ قضاء و یا رضاء تقدیر ایدیلن نفقه دن متراکم مقدار طلاق و یا احد زوجینك وفاقی ایله ساقط اولماز . اما حاکمک امریله استدانه ایدلمش اولیان مقدار نشوز ایله ساقط اولور .

ماده : ۱۰۱ زوجہ بر سبب مشروع اولمقسزین زوجنك خانه سفی ترك ایدوب کیدر و یا خانه کنديسنك اولوبده باشقه برخانه یه قلعنی طلب ایتزدن مقدم زوجنی دخولدن منع ایلر ایسه اشبو نشوزك دوامی مدتیجه نفقه ساقط اولور .

کتاب ثانی

مفارقات حقنده در

باب اول

فصل اول

احکام عمومی

- ماده : ۱۰۲ طلاق اهلی مکلف اولان زوجدر .
- ماده : ۱۰۳ طلاق محلی نکاح صحیح ایله منکوحه و یا معتده اولان قادیندر . نکاحی فسخ ایدیلن زوجة معتده محل طلاق اولماز .
- ماده : ۱۰۴ سرخوشك طلاق معتبر دکدر .
- ماده : ۱۰۵ اکراه ایله وقوعبولان طلاق معتبر دکدر .
- ماده : ۱۰۶ طلاق شرطه تعلیق صحیحدر .
- ماده : ۱۰۷ طلاق زمان مستقبله اضافه سی صحیحدر .
- ماده : ۱۰۸ زوج زوجہ سی حقنده اوچ طلاقه مالکدر .
- ماده : ۱۰۹ طلاق الفاظ صریحه ایله واقع اولور . متعارف اولان الفاظ کنویه دخی صریح حکمنده در . اما متعارف اولمایان الفاظ کنویه ایله طلاق وقوعی انحق زوجنك یتنه متوققدر . زوجنك طلاقه یت ایدوب ایتدیکی حقنده طرفین اختلاف ایتسه لر زوج یمینله تصدیق اولور .
- ماده : ۱۱۰ زوجہ سی تطلیق ایدن زوج کیفیتی حاکمه بیان ایتمه مجبوردور .

فصل ثانی

طلاق رجعی و باین حقنه در

ماده : ۱۱۱ بر کیمسه نکاح صحیح ایله منکوحه سنی تقریدن صکره لفظ صریح ایله تطلیق ایتسه طلاق رجعی واقع اولور .

ماده : ۱۱۲ طلاق رجعی فی الحال زوجیتی ازاله ایتمز . عدت ایچنده زوجک زوجه سنه قولاً و یا فعلاً حق رجوعی واردر . بوحق اسقاط ایله ساقط اولماز .

ماده : ۱۱۳ زوج عدت ایچنده رجوع ایدرسه هنوز موجود اولان نکاحی ادامه ایتمش اولور . بوخصوصده قادینک رضاسنی استحصاله محتاج اولماز و مهر جدید لازم کلز .

ماده : ۱۱۴ شرطه تطلیق وزمان مستقبله اضافه اولنان رجوع صحیح دکلدر .
ماده : ۱۱۵ برنجی طلاق رجعیدن صوکره رجوع صحیح اولدینی کبی ایکنجی طلاق رجعیدن صوکره دخی صحیحدر . اما اوچنجی طلاق رجعی ایله بینونت قطعیه حاصل اولور .

ماده : ۱۱۶ بر کیمسه نکاح صحیح ایله منکوحه سنی تقریدن اول تطلیق ایدرسه طلاق باین واقع اولور . وکذا بینونت افاده ایدن الفاظ ایله ویا برعوضه مقارن اولورق تطلیق ایدرسه طلاق باین واقع اولور .

ماده : ۱۱۷ طلاق باین فی الحال زوجیتی ازاله ایدر . شوقدرکه برویا ایکی طلاق باین تجدید نکاحه مانع اولماز . اما اوچ طلاقدن صکره بینونت قطعیه حاصل اولور .
ماده : ۱۱۸ بینونت قطعیه زوجه تک عدتی مرور ایلدکن صکره مقصد تحلیل ایله اولمایه رق زوج آخره واروب بعدالتقرب انذن افتراقی وعدتنک مروری ایله زائل اولور .

فصل ثالث

خیار تفریق حقنه در

ماده : ۱۱۹ مانع تقرب عیوبدن سالم اولان قادین زوجک بویله برعلت ایله معلول اولدیغنه مطلع اولدقده حاکمه بالمراجعه تفریقی طلب ایده بیلیر . اما کندنده

بويله برعيب بولئان قادينك طلبى مسموع اولماز . شوقدر كه تقرب ايدلمش اولان زوجه نك زوجته حادث اولان بوقيل عيب سبيله حق خياري يوقدر .

ماده : ۱۲۰ قبل النكاح زوجنك عتدن ماعدامانع تقرب عينه مطلع ويا بعدالنكاح هر هانكي برعيه راضى اولان زوجه نك حق خياري ساقط اولور . فقط قبل النكاح عتته اطلاع حق خياري اسقاط ايتمز .

ماده : ۱۲۱ زوجه مواد سابقه ده محرر اولديني اوزره حاكمه مراجعت ايتدكه نظر اولور : اكر علت قابل زوال دكسه حاكم درحال اينلرني تفريقه حكم ايدر و اكر قابل زوال ايسه حاكم زوجي زمان صرافعه دن وشايد مريض ايسه وقت افاقندن اعتبار آ برسنه مدتله تأجيل ايلر . انشاي تأجيلده زوج ويا زوجه آرزوق برمدت تقربه مانع اوله جق درجه ده خسته اولور ويا زوجه غيبوت ايدرسه بوضورتله كچن مدت حسابه ادخال ايدلمز . لكن زوجنك غيبوتى وزوجه نك ايام حيسى حسابه ادخال ايدليلر . بو مدت ظرفنده علت زائل اولديني وزوج طلاقه راضى اولمايوب زوجه دخى طلبنده مصر اولديني حالده حاكم تفريقه حكم ايدر . صرافعه نك كرك بدايت وكرك نهايتنده زوج تفريقى ادعا ايلديكي تقديرده زوجه ثيب ايسه سوز مع اليمين زوسكدور . باكر ايسه سوز بلايمين زوجه نكدر .

ماده : ۱۲۲ جذام وبرص وعلت زهرويه كهي بلاضرر برلكده اقامت ممكن اولمايان علتلردن برينك زوجده وجودينه بعدالنكاح مطلع اولور ويا مؤخرآ بويله برعلت تحداث ايدرسه زوجه حاكمه بالمراجعة تفريقى طلب ايدريلير . علت واقعه نك زوالى اميد اولنورسه حاكم تفريقى برسنه تأجيل ايدر . بو مدت ظرفنده زائل اولديني وزوج طلاقه راضى اولمايوب زوجه دخى طلبنده مصر اولديني تقديرده حاكم تفريقه حكم ايلر . اما تور ويا طوپال اولوق كهي عيوبدن برينك زوجده بولنسي تفريقى موجب اولماز .

ماده : ۱۲۳ عقد نكاحدن صكره زوج تحين ايدوبده زوجه حاكمه بالمراجعة تفريقى طلب ايتسه حاكم تفريقى برسنه مدتله تأجيل ايدر . بو مدت ظرفنده جنت زائل اولديني وزوجه مصر بولنديني حالده تفريقه حكم ايلر .

ماده : ۱۲۴ مخير اولديني يرلرده زوجه نك خياري فوري دكلدر . دعوايى برمدت تأخير ويا اقامه دعوا دن صكره برمدت ترك ايدريلير .

ماده : ۱۲۵ مواد سابقه به توفیقاً تفریقاً صکره طرفین تجدید عقد ایدر لرسه ایکنهی تزوجه زوجیه حق خیاری یوقدر .

ماده : ۱۲۶ برقادینک زوجی اختفا ویا خود مدت سفر ویا ذها قریب بر محله کیدرک تعیب ایدوب ویا مفقود اولوب نفقه تحصیل متعذر اولور و زوجیه سی تفریقی طلب ایدر سه حاکم تحقیقات لازمه اجراسندن صکره بینلرینی تفریق حکم ایدر .

ماده : ۱۲۷ نفقه جنسندن مال ترك ایتدیکی حلاله تعیب ایدن بر کیمسه نك زوجیه سی حاکمه بالمراجعه تفریقی طلب ایتسه حاکم او کیمسه حقنده اجرای تحقیقات ایدر . نروده اولدیغنه و حیات و عمتنه دائر خبر النسندن یأس حاصل اولور ایتسه یأس تاریخندن اعتباراً درت سنه تأجیل ایلر . اشبو مدت ظرفنده خبر الله مدینی و زوج طلینده مصر بولندیغنی حلاله طرفینی تفریقی ایدر . اگر زوج محاربه ده غیوبت ایتش ایتسه حاکم طرفین محاربینک و اسرانک برلرینه عودتندن اعتباراً بر سنه مرور ایلدکن صکره تفریق حکم ایدر . هرایکی حلاله زوج حکم تاریخندن اعتباراً عدت وفات بکمر .

ماده : ۱۲۸ مواد سابقه موجبنه تفریق حکم اولنان قادین آخر بر شخص ایله تزوج ایتدکن صکره زوج اولک ظهوری نکاح اخیرک انفساخنی موجب اولماز .
ماده : ۱۲۹ وفاتنه حکم اولنان کیمسه نك زوجیه سی آخر بر شخصه تزوج ایتدکن صکره زوج اولک حیاتی تحقق ایتسه نکاح ثانی منفسخ اولور .

ماده : ۱۳۰ زوجین بیننده نزاع و شقاق ظهور ایدوبده طرفیند بری حاکمه مراجعت ایدر سه حاکم طرفین عائله لرندن برر حکم تعیین ایدر . بر ویا ایکی طرف عائله سندن حکم تعیین اولنه حق کیمسه بولنه ماز ویا بولنوبده حکم اوله حق اوصافی حائز اولماز سه خارجدن مناسبلرینی تعیین ایلر . بوضورتله تشکل ایدن عائله مجلسی طرفینک افادات و مدافعاتی تدقیق ایله بینلرینی اصلاحه چالیشیر . قابل اولمدینی صورتده قصور زوجده ایتسه بینلرینی تفریق ایدر . و زوجده ایتسه مهرک تمامی ویا بر قسمی اوزرینه مخالفه ایلر . حکملر اتفاق ایده مزملر ایتسه حاکم اوصاف لازمه یی حائز دیگر بر هیئت حکمیه ویا طرفینه قرابتی اولمیان اوچنجه بر حکم تعیین ایلر . حکملرک ویره جکمری حکم قطعی ونا قابل اعتراضدر .

ماده : ۱۳۱ مواد سالفه موجبنه تفریق دائر صادر اولان حکم طلاق بائی تضمن ایدر و کیفیت علی الاصول تسجیل ایدیلیر .

باب ثانی

عیسویلرک مفارقاتی بیاننده در

ماده : ۱۳۲ اسباب آتیهدن برینک تحققدن طرفیندن بری حاکمه مراجعتله مفارقتی طلب ایده بیلیر :

اولاً زوجیندن برینک فعل زانی ارتکابی . شو قدرکه مفارقت دعواسی فعل زانیه اطلاعی تاریخندن اعتباراً بر سنه ووقوعی تاریخندن اعتبار آیش سنه مروریه ساقط اولور .

ثانیاً حیات زوجینک دوامنی متعذر قیله حق صورته زوجیندن برینه عارض اولان جنک اوچ سنه ظرفده زائل اولماسی .

ثالثاً — جرائم عادیهدن طولایی زوجیندن برینک بش سنهدن فضله جزا ایله محکوم اولسی .

رابعاً — زوجیندن بری مدت سفربعید بر محله بولنوبده بش سنه مدت حیات و نماتندن معلومات آله مامسی .

خامساً — زوجیندن بری دیگرینی بش سنهدن فضله بر مدت ترك ایتمسی .
سادساً — زوجیندن بری قبل النکاح فرنگی وصرعه ایله معلول اولوبده دیگرینک بعدالازدواج مطلع اولسی .

سابعاً — زوجیندن بری دیگرینک حیاتی تهلیکه یه القا ایده جنک افعاله مجاسرتی .
یو صورته حق دعوی تاریخ وقعدهن اعتباراً بش سنه مرورنده ساقط اولور .

ماده : ۱۳۳ مفارقته سبیت ویرن طرف اوچ سنه یی تجاوزایتمه مک اوزره یکی بر نکاح عقدندن منع اولنه بیلیر . اگر هر ایکی طرف سبیت ویرمش ایسه هر ایکیسی منع اولنه بیلیر .

ماده : ۱۳۴ مفارقتی موجب اسبابدن برینه استناداً زوجیندن بری نکاح و احکامی باقی قالمق اوزره آیری یاشاملرینی طلب ایدرسه تحقیقی حائده اولوجهله یاشاملرینه حکم اولنه بیلیر . شو قدرکه دیگر طرف مفارقت طلبنده اصرار ایدرسه مفارقتنه حکم اولنور . آیری یاشاملرینه حکم اولنان زوجیندن هانکی بری حکم واقعه استناداً مفارقت طلب ایده بیلیر .

ماده : ۱۳۵ اسباب مفارقتدن اولان بر فعلك عفوئ او فعلدن متولد حق دعوائی اسقاط ایدر .

ماده : ۱۳۶ مفارقت دعوائی وقوعنده محکمه جه اول امرده طرفین عائله لرندن منتخب برر مصلح و یا رؤسای روحانیه معرفتله اصلاح بینہ توسل اولنور . اصلاح بین ممکن اوله مدینی صورتده دعوائی واقعہ علی الاصول رؤیت و فصل ایدیلیر .

ماده : ۱۳۷ حکمک تاریخ صدورندن اعتباراً اوچ ماه ظرفنده رؤسای روحانیه به مراجعتله نکاحک فسخه متعلق مراسم دینه نک اجراسنه توسل اولنه بیلیر . بوصورنده مدت مذکورہ ظرفنده حکم واقع انفاذ اولتماز . مهل مزبورک انتقاصی اوزرینه نہایت یکرمی کون ظرفنده محکومله طرفندن حکم واقعک انفاذینی طاب لازمہ دن اولوب عکس تقدیرده حکم کان لم یکن اولور .

ماده : ۱۳۸ طلاقک زوج طرفندن اذن حاکمه تعلیقی حالنده موادسالفہ احکامی موسویلرده دخی جاری اولور . زوجہ نک اسباب مذکورہ دن طولانی تفریقنی طلبہ حق و ارذر .

باب ثالث

فصل اول

عدت حقنده در

ماده : ۱۳۹ عقد صحیح ایله منکوحه اولوب اجتماعدن صکره زوجندن طلاق و یا فسخ و تفریق ایله افتراق ایدن و حامل و سن ایسه واصل اولیان قادینلرک مدت عدتی اوچ حیض کاملدر . شوقدرکه قادین اوچ آی مرورندن مقدم عدتنک انتقاصنی ادعا ایلرسه قبول اولتماز .

ماده : ۱۴۰ معتده ذکر اولسان مدت ظرفنده هیچ بر حیض کورمدیکی و یا خود بر و یا ایکی حیض کوردکدن صکره منقطع اولدینی تقدیرده اگر سن ایسه واصل اولمشه وصول تاریخندن اعتباراً اوچ آی ، اولمامش ایسه عدتنک لزومی زمانندن اعتباراً طقوزآی عدت بکلر .

ماده : ۱۴۱ عقد صحیح ایله منکوحه اولوب اجتماعدن صکره زوجندن طلاق و یا فسخ ایله آریلان و سن ایسه واصل اولان قادینلرک مدت عدتی اوچ ایدر .

ماده : ۱۴۲ مواد سابقه نك احكامى نكاح فاسد ايله تقرب ايدلمش ايكن تفريق اولنان ويا زوجى وفات ايدن قادينلرده دخی جاريدر .

ماده : ۱۴۳ حامل اولانلردن ماعدن زوجى وفات ايدن ونكاح صحيح ايله منكوحه اولان قادينلرك اجتماع وقوع بولسون ويا بولسون درت آي اون كون عدت بكمسى لازم كليز .

ماده : ۱۴۴ نكاح صحيح ايله منكوحه اولوب حامل ايكن طلاق ويا فسخ ايله افتراق ايدن ويا زوجى وفات ايدنان قادين حملنى وضع ايدنجه يه دكن بكمك لازم كليز . سقط واقع اولدقه اكر مستين الحلقه ايسه وضع حمل كيدير ، دكل ايسه آنكه عدت منقضى اولمايوب مواد سابقه ده محرر احكامه توفيقاً معامله ايديلير .

اشبو فقره لرك حكيمى نكاح فاسد ايله منكوحه اولوبده تفريق ايديلن ويا زوجى وفات ايدن حامل قادينلر حقنده دخی جاريدر .

ماده : ۱۴۵ مواد سابقه ده محرر عدتك مبدأى طلاق ويا فسخك وقوعى ويا زوجك وقاتيدر . ولو كه زوجيه بو حالده مطلع اولسون .

ماده : ۱۴۶ عقد صحيح ويا فاسده اجتماع ويا تقرب ايله تا كدن اول طلاق ويا فسخ وقوع بولورسه عدت لازم كلز .

ماده : ۱۴۷ بر معتده نك زوجى وفات ايتسه طلاق رجعيده عدت طلاق منهدم اولور . ويكيدن عدت وفات بكمسى لازم كليز . اما طلاق باينده لازم كليوب عدت طلاقى اكال ايدر .

ماده : ۱۴۸ موسويلرده على الاطلاق عقد صحيح ويا فاسده طلاق ويا فسخ ويا زوجك وفاتى وقوعنده عدت لازم كليز . مدت عدت طقسان بركوندر . شو قدر كه حامل ويا ذات ولد اولان قادينك عدتى چوجنى ايكي ياشنى اكال ايدنجه يه قدر امتداد ايلر . چوجفك وفاتى حائنده عدت تاريخ وفاتدن اعتباراً طقسان بركوندر .

ماده : ۱۴۹ عيسويلرده مدت عدت على الاطلاق فرقندن اعتباراً بر سندهر . مكر كه وضع حمل ايتمش اوله .

فصل ثانى

معتده نك نفقهسى حقنده در

ماده : ۱۵۰ معتده نك نفقهسى زوجى اوزرينه لازم اولور .

- ماده : ۱۵۱ ناسزه اولدینی حالده تطلیق اولنان قادینه نقطه عدت لازم کلمز .
 ماده : ۱۵۲ زوجی وفات ایدن قادین ایچون نقطه عدت لازم اولمز . کرک حامل اولسون و کرک اولسون .
 ماده : ۱۵۳ قضاء و یا رضاء نفقه تقدیر ایدلمکسزک مدت عدت منقضی اولسه نفقه ساقط اولور .
 ماده : ۱۵۴ نفقه مقدره دن متراکم مقدار احد زوجینک وفاتیه ساقط اولماز .

مواد شتی

- ماده : ۱۵۵ اشبو قرارنامه ده غیر مسلملر حقنده استثناء بیان اولونان حکامه مخالف اولیان مواد صراحت مخصوصه اولمادجه اونلر حقنده دخی جاریدر .
 ماده : ۱۵۶ رؤسای روحانیه نک عقد و فسخ نکاح ایله مستبجاسدن اولان نقطه زوجات ، در اخومه و جهاز حقنده کی حق قضالری ملغادر .
 ماده : ۱۵۷ اشبو قرارنامه نک اجراسنه عدلیه ناظری مأموردر .
 مجلس عمومینک اجتماعنده قانونیتی تکلیف اولمتی اوزره اشبو قرارنامه نک موقع تطبیقه وضعی اراده ایلدم .

۲۵ تشرین اول ۱۳۳۳

۱ محرم ۱۳۳۶

محمد رشاد

صدر اعظم
محمد طلعت

عدلیه ناظری
خلیل

☆ ☆

مناکحات و مفارقات قرارنامه سی

اصباب موجب رجوعی

مجله نک حقوق عائله به متعلق احکامی احتوا ایتماسی جهتیه مملکت مزده بو خصوصده عناصر مختلفه دن هر برینک مسدون اولیان کندی احکام مذهبی لرینک تطبیق و اشبو

احكام مذهبيه به حكام شرعك وقوف ومعلوماتى اولديغندن نكاح وفسخ نكاح ايله انك مستبعتندن اولان نفقه زوجات مسائلنده غير مسلم لرؤساي روحانيه سنه حق قضا بخش اولونمسي ايجاب ايتمشدور. حقوق سلطنتدن بر جز واولان حق قضانك حكومتك جدى برقتيشنه تابع اولميان ومحاكم عموميه كبي افراده تأمينات بخش اوله حق اصول وقواعد ايله تجهيز ايدلمه مش بولنان هيئته توديبى خصوصنك نه درجه محاذيرى استلزام ايتديكي محتاج ايضاح دكلدر .

تابع اولدقلى احكامك ثابت وجهله معلوم قواعد استناد ايتمه سي اعتبار ايله افراد غير مسلمه منا كه حات ومفارقاه ونفقه زوجانه متعلق دعوالرنده عندى وكيفي محكوميتلر قارشوسنده بولونمق تهلكه سنه معروض اولملى ومحاكم شرعيه معاملاتك محاكم سائره وجهله تأمينات مطلوبه ني احتوا ايلسنه رغماً مدار حكم اوله حق مسئله شرعيه ني كتب فقهيه دن استنباط واستخراج وعقبي به اولان متعدد اقوال فقها دن برينى ديكرينه ترجيح ايجون مقتضى اولان اختصاص وفضل و عرفانك بوتون حكامده وجودينى تأمين ايتك مشكل وهله اصحاب مصالح عندنده حكمه اساس اوله حق مسئله نك اولجه كشف وتخمينى بوسوتون بر امر دشوار بولونمسي سبيله افراد مسلمه ايجونده غير مسلملر كبي حقوق عالله مباحثك قانون شكلنده تدوينى بر كون بيله تأخيرى جائز اولميان بر احتياج مبرمدر .

كرك مسلم وكرك غير مسلم بالعموم عثمانيله عام وشامل اوله حق بر صورتده وصرف مملكت ومثلته عصرك احتياجنى نظر اعتباره آله رق تدوين قانون قضيه سي بو خصوصده اك اول نظر دقتى جالب بر طريق اوله رق دوشونيله بيليرسه ده شوصورت نه مسلملرك نه ده غير مسلملرك ونه ده مصلحتك ايجاباته توافق ايتز . عصر لردنبرى عالله امورى احكام دينيه توفيق ايدن بر قومك بوتون عنعناتى بر آنده وهيج بر اصول تدريج واصطفاه رعايت ايتكسزين تبديل ايتك قانونى هر درلو نفوذ معنوي دن محروم وقابليت تطبيقه سنى بك اساسلى بر صورتده وخنه دار ايدر . خصوصيله مذاهب مختلفه به منسوب اولان فقها اقوانده احتياج عصره توافق ايدنلرى بولمق ممكن وشوصورتله مسلملر ايجون ايجابات مدنيه مستند اولان قانونى اساسات فقهييه استناد ايتديرك سبيل اولديغندن غير مسلملر حقنده آنلرك احكام مذهبيه سندن قواعد لازمه ني استخراج وتلفيق ايله مشترك مسائلك جمله به عام وشامل اوله حق بر صورتده تدوينى ومسلمانلر حقنده يازيله حق قواعد عموميه دن احكام مذهبيه لرينه عدم توافقي ظاهر اولانلرك غير مسلملره شامل

اولیه جغنی واستثناء مسلم اولمایانلره مخصوص اوله رق لازم التطبيق اولان مسائلی آری
آری ذکر و تمسحیح ایتک صورتیه آنلرک عقائد دینه لرینه رعایت و تعداد اولئان بوتون
محدورلرک برطرف ایدلسی قابل اولدیغندن ترتیب اولونان لایحه قانونیه ده بواساس تعقیب
ایدلس و غیر مسلملرک احکامنی جمیع و ترتیب و تنظیم خصوصاً صنده ده مسلم اولیان ارباب
اختصاصک معلوماتلرندن استفاده ایدلشد.

نکاحک عقدی و مناکحات و مفارقاته عائد منازعاتک مرجع و صورت حلی حقیقه
قبول ایدیلن شکلک ماهیتی ایله احتیاجات حاضره و مذهبییه درجه توافقی ایضاح ایچون برآز
تاریخدن استانییه لزوم واردر.

عائله تشکیلاتی انسانلر ایچون اوقدر طبیعی بر احتیاجدر که تاریخک الکاسکی زمانلرینه
بیله ارجاع نظر ایدلسه بو خصوصده مکتوب و غیر مکتوب عادتله و یا قانونلره تصادف
اولنه پیلور و برملنک سحیه علم و عرفاتی ساحه مدنیده اشغال ایتدیکی موقعی، تشکیلات
عائله سنی تبیع و تدقیق ایله تمیز و تعیین ایتک پک ممکندر. اشبو تشکیلاتک روح ملنده
اشغال ایتدیکی موقع مهم سبیلهدر که هرشیدن زیاده حقوق عائله مسائلنده بوتون ملتلر
فوق العاده محافظه کارلق ایتیه و بوبنده کی مؤسسات ملیه و یا مذهبییه سنی تبدیلده صووک
درجده دقت و اعتنا صرف ایتک مجبوردرلر. عقد نکاح خصوصنده ضرب ملتلرینک
اکثریت عظیمه سنده نکاح مذهبییه حالا ویرلمکده اولان موقع قانونی بو ملاحظاتک
تدقیق سیدر. الکاسکی روم حقوقی تدقیق ایدیلرسه کوریلیر که ایلك رومالیر بیتنده عقد
نکاح ایچون بریسی مذهبی دیکری ملی و مدنی اولق اوزره ایکی نوع مراسم موجود ایدی.
اشبو مراسمدن هیچ برینه رعایت ایتمکسزین عقد اولونان نکاحلرک اوزرینه ابتداری
هیچ بر نتیجه حقوقیه ترتیب ایتمز ایکن مرور زمان ایله مراسم نکاحیه منحصر آزوجه
اوزرنده نفوذ و ولایت زوجی تولید شرائطندن عد اولمش و مراسم و اشکال مذکوریه
رعایت اولونمادن عقد اولونان نکاحلر بذاته مشروع عد ایدلشد. بواسالی تبدلات
سائیه سیه در که نکاحی عندالاقضا حضور حاکمه اثبات ایتک کتب مشکلات ایتدیکنندن
رومالیر انکاری سهیل اولیان بر حجت الدله ایتمش ایچون عقد نکاح انساننده کیفیتی تحریری
بروشیه ربط ایتکی اعتیاد ایتمش ایدیلر. مرور زمان ایله و خصوصیه رومایمپراطورلنی
اراضیسینک باربارلر طرفندن اشغالندن صوکره بینه تحریرییه احضاری اصولی ده محافظه

ایندیکندن هر وقت شایان اعتماد اولیان بینه شخصیه ایله تحکیم حالدن بشقه اسباب ثبوتیه تدارك اولنه مامقده ایدی . بودورلرده صرف رضای طرفین ایله انعقاد ایتکده اولان مناکحاتك اصول عقد واجراسنده ایلک ظهوری صمرلرنده برتبدل ایقاع ایتمه مش اولان خرسیتانلق بالاخره اکتساب ایتدیکی نفوذ وتوسعدن استفاده ایدهدك کلیسایک مناکحات عقدنده مداخله سنی حکومتلره ترویج وقبول ایتدیرمکه موفق اولدی .

کلیسا طرفندن اتخاذ ایدیلن اشبویکی اصوله کوره حین عقیده بررئیس روحانینک حضوری مشروط ایهده راهبک بالفعل عقدی اجرا ایتسی لازمه دن دکل ایدی . طرفین ینه کندی اراده لرله نکاحی عقد ایده جکلر و راهب یالکنز برشاهد رسمی صفتیه اثنای عقدده حاضر بولنه حق ایدی . فقط تطبیقاتده رهبان وظیفه لرینی تجاوازیله رضای طرفینی تدقیق ایتدکدن صکره کلیسا نامه عقدی بالذات اجرایه توسل ایتدیلر وشو صورتله افکار عمومیه ده نکاح رابطه سنک انجیق کلیسا طرفندن احداث اوله بیله جکی ظنی تولید ایلدیلر . حتی هر هانکی برسبب ایله اجرای عقددن امتناع ایدن راهبک اثنای نکاحده حضوری کتبه عدل وشهود محضرنده رسماً تحققت ایتدیرمک صورتیه طوغریجه طرفین بیننده انعقاد ایدن نکاحلرک مشروع عد اولوب اولنایه جفته دائر غریبه ده برحق زمانلر مادی ایدن مناقشات کلیسا نفوذینک درجه سنه کوره محاکمه مختلف اجتهاداته میدان آچش ایدی . بوتون بو تذبذب لری برطرف ایتک ایچون غرب حکومتات حاضره سی قانونلرینه بوبایده احکام واضحه درجه مجبور اولمشلردر . بوبادکی احکام قانونیه تدقیق ایدیلر سه کوریلیر که قانون مدنی سی موجود اولان ملل غربیه ده یا منحصرأ نکاح مدنی نکاح قانونی اوله رق قبول ایدلمش ونکاح مذهبی منع ولنا مقوله برابر قانوناً نکاح مذهبی به هیچ بر موقع ویرلماشدر . ویا خود هم مدنی هم مذهبی نکاحک احکامی قانون مدنی به درج ایله طرفین بونلردن هر هانکی سنه توفیقاً نکاحی اجرا ایتدیرمکه سربست بر اقلمش شوقدر که عقد نکاحک دفاتر مخصوصه سنه تسجیلی اصولی تعقیب ایدلمشدر ویا منحصرأ نکاح مذهبی قبول ایدلمکه برابر امر تسجیل قواعد مضبوطه آتیه آلمشدر . اشبو اوچنچی شق قبول ایدنلر بالطبع هنوز حقوق عائله حقنده قانون مدنی تدوین ایتش اولیانلردر . قانون مدنی زک حقوق عائله مباحثی اشبو لایحه ایله تدوین ایدنجه بزه متوسط بر اصول تعقیبی الک زیاده مصلحته موافق تلقی اولونقی طبعیدر . رضای طرفینک عقد نکاح ایچون کافی اولوب اولمدینی حقنده

ملل سائرہ بپتندہ مناقشات جريان ايتمکده ايکن دين مين اسلام بوخصوصده اصلا ترده محل برافيه حق صورتده حل مسئله ايده رك رضائك حاکميتي اعلان ايتديکي وغير مسلملردن برقسمنده يالکمز رؤسای روحانيه نك نکاحی عقد ايده بيله چکي حقنده کی اعتقادات شايه به رعایت لازمه دن اولمله برابر اصل احکام مذهبيه لرنده راهبک نکاح انناسنده حضورندن بشقه بر شرط بولماديی وموسویلر عندنده رئيس روحانيلرک اثنای نکاحده شرائط انعقاددن عداولته حق بروظيفه لری بولماديی ومناکاتک دائما بلاينه مضمونيله عمل ممکن اوله حق قيودات ايله تيشی بر امر مبرم و ضروری اولديی نظر دقه آلدرق حاکم ويانائبک اسلام وموسوی مناکاتنده علی الاطلاق عقدنامه یی تنظيم وتسجيل ايله توطيفی وعيسوی مناکاتک حاکمک مأمور مخصوصی حاضر اولديی حالده رؤسای روحانيه طرفندن عقد ايده یی وشوقدرکه رؤسای روحانيه جه قانوناً شايد قبول اوليه حق بر صورتده عقد نکاحدن امتناع اولديی حالده حاکم حضورنده طرفينک عقدنکاح ايتلری اصولی قبول ايده رک هم معاملاتک مضبوطی تأمین همه قواعد مذهبيه به رعایت ايدلشدر . حقوق عائله قواعدی شکل قانونی اکتساب ايتدکن واصحاب مصالح ايله حکامک بوقواعدی سهولته تفهيم وتطبیق ايده بيلملى اسبابی شوصورتله استکمال ايدلدکن صکره ارتق رؤسای روحانيه جه بوخصوصده اولجه ضرورت مصلحتله قبول ايدلش اولان حق قضائك دوامنه لزوم قائليه جنى بر امر جليدر . حکومت غریبه ارده سنده قانون مدينى تدوين ايتش اولان ملتلرده محاکم مذهبيه به بوخصوصده حق قضا بخش ايدن موجود اولماديی کی مدون احکامه مالک اولميان ملتلرده بيله محاکم مذهبيه به بخش ايديلن حق قضا دخی آنجق اعلاماتک محاکم محليه جه تصويب وتصديق شرطيله وېک محدود بر درجه ده اولديندن اولجه احتياج حقیقی متجاوز بر شکلده اتخاذ اولنان وحقوق عائله قانونک تدوين ايله محل تطبیق وفائده سی قائميان اصول سابقه نك محافظه سی حقوق سلطنته ايراث ايده چکي ضرورن باشقه محاکمک بخش ايتديکي تأمينادن برقم افراد ملتى يعنى غير مسلملری محروم ايتک نتيجه سنی انتاج ايده رک بوده قانون اساسيمزله اعلان ايتديکمز مساواته وحکومت عثمانيه جه ذاتاً اوتونه دبرى تطبیق ايديلن مسلك عدالت ومشروطيه منافی اوله جفتدن رؤسای روحانيه نك بوبابده کی حق قضا لرينک ملتى اولديی قانونه درج اولنش ورؤسای مشار اليه نك اساساً بعدما لزومی قائميان بوکی اشتغالاتدن قورتارمق صورتيله وظائف دينيه لرينه دها

فضله حصر مساعی ایده بیلملرینه میدان بر اقلمشدر . لایحه ده احکام عمومیه به متعلق مواده منصوص و جمع علیه بولنان احکام شرعیه ایله فتواخانه جه معمول به اولان سادات حنفیه نك اقوال معتبره سی اساس اتخاذ ایدلمش اولدینی جهتله اسباب موجب سر دینه لزوم کورلمدیکی کبی ملل غیر مسلمه به عائد مواد احکامی ده الیوم خاخالخانه و بطریقه خانه لوجه صریحی و معتبر احکام دینه جمله سندن اولمغله بونلر حقنده دخی آریجه اسباب موجب اتیانته لزوم کورلمه مشدر . مع هذا بعض مسائلده كرك فقهای حنفیه دن و كرك مذاهب سائره اربابندن بعض اعظامك اجتهاد و فتوای معاملات ناسه دهاملایم و احتیاجات عصره دهاموافق کوریلهرك ترجیحاً لایحه به درج ایدلیکنندن بونلر ك قائلاری ارأه ایدلمكله برابر وجه ترجیح لرینه متعلق اسباب موجب بوجه زیر مختصراً ایراد اولنور .

اهلیت نکاح . امام ابو یوسف و امام محمد حضراتی ءار ك و یا قیز اولسون اون بش یاشنه واصل اولمش ایکن کندیسنده آثار بلوغ ظاهر اولمیان کسه نك غالب وشایعه نظراً حکماً بالغ عد اولمنسه و اجرا ایدلکری عقودك معتبر بولماسنه قائل اولدقلری کبی امام مالک و امام شافعی و امام احمد حضراتی ده بونی قبول ایتشلردر . مجله احکام عدلیه نك ۹۸۶ و ۹۸۷ ماده لری مشارالیه مك قولنه بنا اولنمشدر . کرچه اون بش یاشنه قدر بالغ اولانلر ك اکثریت تشکیل ایتدکری درکار ایسه ده فعلاً بالغ اولمیانلر ك یعنی قوای بدنیه لری هنوز تکمل ایلمیانلری مجرد اکثریته تابع قیله رق گنیدلرینه تحمل ایده میه جکری حقوق بخش ایتك اشبو حقوق مقابلنده وظائفه تحمل ایتلرینی و بالتیجه ضرر لرینی مستلزمدر . حق سن بلوغك نهایی اون بش یاش اولمق اوزره قبول ایدلیکی حالده صغیرك مالی اعطا خصوصنده استیجال ایدلیوب آثار رشد و سداد ظهورینه دکن تصرفدن منع اولونمنسه نظراً شرع شریف صفاره حقوق و وظائف تحمیلنده تانی ایله حرکت ایتکده در . نکاح ایسه ماله قابل قیاس اولیوب جمعیت بشریه نك اجزاسی اولان عائله لرك رابطه تشکیلیه سیدر . برعائیه تشکیل ایدن افراد حقوق زوجیتی تقدور زیاده تقدیر ایدر لرسه تشکیل ایده جکری عائله او قدر قوتلی و دیگر عائله لرله مربوطیتی او قدر صمیمی اولور . حالبوکه مجرد اون بش یاشنی ا کمال ایتمش اولمق حسیله حکماً بالغ عد ایده رك صفاره حق ازدواج بخش ایتك نکاحی لایق اولدینی اهمیتله نظر اعتباره المامق دیمکدر .

بویابده اك زیاده نظر مرحمته آنسی لازم کلن قیزلردر . زوج ایله زوجه نك عائله یی

تشكيل و اداره خصوصنده مشترك اولدقلى دركارايكن اركك چو جوقلر سواقده اويون اويماقلا اصرار وقت ايمه سى معذور كورنديكى رسنده بولنان قين چو جوقلر جمعيت بشريه جه الكيوبوك بروظيفه يعنى برعائله نك والده سى ومدير امورى اولمق وظيفه سى توديع اولونيور. هنوز تشكلات بدنيه سى تكمل ايمه مش اولان بريچاره قين والده اولمقلا اعصابى الى آخر العمر بریشان اولييور، علل كونا كون اکتساب ايدييور، اوندن تولدايدن چو جوق جيليز وپك عصبي برشى اولوب عنصر اسلامك كيتدكجه تدبيسى اسبابنه انضمام ايدييور. طالبو كه ابن عباس رضى الله تعالى عنهما حضرت تاريله تابعلى سن بلوغك اون سكز اولديقه قائل اولدقلى كې اجله قتمه ايدن بعضيلرى يكرمى ايكي اولديقه قائل اولشاردر. ايجلردن يكرمى بش ياشى قبول ايدنلرده واردر. امام اعظم رحمه الله عليه حضرت تارىده ابن عباس حضرت تارينه تبعاً احتياطاً سن بلوغك نهايتى ارككار ايجون تام اون سكز ياش و قيزل ايجون تام اون يدي ياش اولمقى قبول ايتديكندن مملكتتمزك الكيوبوك مصائبندن اولان اشبو احواله چاره ساز اولمق اوزره نكاح خصوصنده مشاراليهمك اشبو قولى قبول ايديلهرك بشنجى ماده بواساس اوزرينه تنظيم ايدلدى. بالغ اولدينى بيانيله نفسى آخره تزويج ايتك ايستهين مراهقهر حقه نكاحك لزومنده و لينك رضاسنى شرط قيلان امام محمد رحمه الله عليه حضرت تارينك قولى قبول ايديلهرك ازدواجنه مساعدده اعطاسى و لينك اجازتنه تعليق قلندى. بوندن باشقه بالجله ائمه حضراتى طرفندن قبول بويوردليني اوزره بالغ اولدينى بيانيله تزويج ايتك ايستهين مراهق و مراهقه نك حالى متحمل اولوب اولمدينى حقه. حاكمه حق تقدير اعطا ايديلهرك بشنجى و آلتنجى ماده لر بو اساسلر اوزرينه قلمه آلتندى.

صغير وصغيره نك تزويجى — صغير وصغيره نك ولىلى طرفندن جواز تزويجنه ائمه اربعه رحمهم الله حضراتى قائل اولدقلى شيمدى به قدر معامله ويولده جريان ايتمش ايسه زما ندرده احوالك تبدلنه بناء ديكر بر اصول اتخا ذينه لزوم كرولمشدر. شويله كه هر زمانده وبالخاصه حيات ايجون محاذله نك صوك درجه كسب شدت ايتديكى شو زمانده چو جوقلر حقه اويونك اينك وظيفه سى اونلرى تعليم و تربيه ايديلهرك اشبو عالم جدالده نائل ظفر اوله جق و منتظم برهائله تشكيل ايديلهرك برحاله كتورمكدن عبارت ايكن زده اويون على الاكثر چو جوقلرينك تحصيل تربيه سى بالكلية اهمال ايديلهرك مجرد مروتلرينى

کورسک ویا نائل میراث قیلمق مقصدیله اونلری دها بشیکده ایکن نشانلایه کلشلدرد .
 نتیجه بیچاره لر دنیا لرینی کورمکسزین تزویج و آتیا فلاکتلرینه دوکونلرله وضع اساس
 ایدلمشدر . هیچ برمکتب یوزی کورمه یین ولساتی اوقوب یازمقدن قطع نظر امر دینه
 دایر برکله یه بیله مطلع اولمایان بودرلو چوققلرک تشکیل ایده کلدکاری عالیه لردن چوغی جنین
 مرده زاد کی زفافلرینک دها ایلمک آیلرنده انفساخه محکوم اولمشدر . مملکت مزده
 عالیه لرک تملسزلکنی موجب اولان اسبابدن بریده بودر . بودرلو نکاحلردن متولد
 دعوالرک درجه سنی آکلامق ایچون کتب فقهیه ده صغیرینک اب ایله چند طرفندن تزویجی
 و اب ایله جد دن ماعدا اولیا طرفندن تزویجی وایکنجی صورتده سن بلوغه واصل
 اولان صغیر و صغیره نک خیار بلوغی کیفیت استعمالی حقه ده کی ابواب و فصوله نظریتمک
 وحا کم شرعیه نک سجالاتی تدقیق ایلمک کافیدر . حالبو که ابن شبرمه و ابوبکر الاصم
 رحمهما الله حضراتی صغار اوزرینه ولایت انجق اونلرک منفقی مقصدینه مبتنی اولوب
 قبول تبرعات کی احتیاج اولیان برلرده ولایت دخی ثابت اولمایه جغه و اونلری تزویج
 ایتمکده کرک طبعاء کرک نسب کی شرعاً بر فائده متصور اولمادیقی جهته لره اونلرک نکاحه
 احتیاجلری بولونمادیقنه نظراً صغیرلرک قبل البلوغ هیچ کیسه طرفندن تزویجی جائز
 اولمادیقنه قائل اولمشلر وعلی الخصوص نکاح موقت برشی اولمایوب مادام الحیات دوام
 ایدن بر عقد اولدیغی واکر ولیرلرک اونلر حقه ده اجرا ایتدکلری عقد نکاح معتبر اولسه
 احکام واثاری بلوغدن صوکره دخی دوام ایده جکنی نظر اعتباره آله رق بلوغدن صکره
 اونلرک حرکاتی تحدید ایده جک بر معامله ده بولونمغه هیچ کیسه نک صلاحیتی اولمادیغی
 علاوه ایلشلدرد . مشارالیه مانک اشبو مطالعاتی عصرلردن بری دوام ایدن فلاکتلی
 تجریه لر تأیید ایتدیکندن اونلرک رأیی قبول ایدیلرک ۷نجی ماده او یولده تنظیم ایدلمشدره
 کیره نک نفسی تزویجی — مذهب مختاره کوره کیره نفسی تزویجه قادر اولوب
 ولینک انجق احوال محدودده حق اعتراضی واردر . حالبو که عقد نکاحک اجرا سندن
 صکره تشکل ایتش بر عالیه یی ولینک اعتراضی اوزرینه فسخ ایتمکدن ایسه قبل النکاح
 بودرلو عوارضک ازاله سی دها معقول و طرفینک منفعتنه دها موافقدر مذهب مالکیمده
 کیره نفسی آخره تزویج ایچون مراجعت ایتدکده حاکم قومشولرندن تدقیقات اجرا
 ایدر . وایسی موجود ایسه کیفیتدن اونی خبردار ایدرک رأیی سؤال ایلر . ولینک درمیان

ایده‌چی اعتراضاتی غیروارد کوردیکی تقدیرده قیزک ترویجی ایچون بروکیل تعین ایلر.
فی الحقیقه ولی‌یه بویولده اخبار ورائی استفسار ایدلمکله بالاده محرر محذور بر طرف اوله جفتدن
بر کیره‌نک رخصت طلیعه حاکمه وقوع بوله‌جق مراجعتی اوزرینه ولی‌یه اخبار کیفیت
ایدلمسی تندیب و ۸نجی ماده بواساس اوزرینه تنظیم ایدلدی.

مجنون و مجنونه‌نک ترویجی — مذهب حنفیده مجنون و مجنونه‌نک و لیلری طرفندن
ترویج‌لری تجویز ایدلمش ایسه‌ده نکاحدن مقصد مجرد بر ارزوی جسمانی‌نی تطمیندن
عبارت اولوب اونک اوزرینه نیجه مقاصد مادیه و معنویه ترتب ایتمکده‌در. حال جنت
ایسه اشبو مقاصدی درک واستحصاله مانع اولدقدن بشقه جنتک قابلیت توارثیه‌سنه نظراً
بوعلته مبتلا اولانلرک ترویجندن جمعیت ایچون‌ده خیرلی بر نتیجه منتظر دکلدرد. حالبوکه
مذهب شافعیده مجنون و مجنونه‌نک و لیلری طرفندن ترویجی اساس اعتباریله غیر جائز
اولوب انجق بر ضرورته مبنی تجویز ایدلمکده‌در. بورای زمانزک افکار حقوقیه،
واجتماعیه‌سنه ده موافق کورلمکله ۹نجی ماده بواساس اوزرینه قلمه آلمشدر.

ولینک مراتبی — مذهب مختاره کوره ولینک مراتبده عصباندن بشقه ده بر چوق
اقربا و تملقات وذوی الارحام تعداد ایدلمکده‌در. حالبوکه فقره سابقه‌ده بیان ایدلدیکی
اوزره اشبو لایحه‌ده ابن شبرمه و ابوبکر الاصم رحمهما الله حضرتانک رایته توفیقاً صغیر
وصغیره‌نک هیچ کیسه‌سه طرفندن ترویج ایدیله‌مه‌سی قبول ایدلدیکی جهتله و مجنون
و مجنونه‌نک بر ضرورته مستند اولمادجقه عدم جواز ترویجی‌ده اساس اوله‌رق قبول اولمنش
اولغله نکاحده ولایت یالکز کفایت مسئله‌سنده حق اعتراضه منحصراً قالمشدر. دیگر
طرفدن امام محمد حضرتلری نکاحده ولایتی عصبان ایله حاکمه حصر ایتمشدر. بدایعده
بیان ایدلدیکنه کوره ابویوسف رحمه‌اه حضرتلری‌ده اشهر روایتده بورأیده‌در. حتی
امام اعظم حضرتلرندن عصباندن ماعداسی ایچون ولایت نکاح اولمدیفی‌ده روایت
ایدلمکده‌در. اشبو اسبابه بناءً مراتب ولی‌حقنده ۱۰نجی ماده امام محمدک رایته و مصلحت
مقتضاسنه کوره تنظیم ایدلمشدر.

نکاحی ممنوع اولانلر — مذهب مختاره زنا ایله دخی حرمت مصاهره ثابت اولور.
سه‌ده امام شافعی حضرتلری صهریت کی بر نعمتک بر فعل ممنوع اوزرینه ترتب ایتیه‌جکنه
قائل اولمشدر. ثبوتنده کی مشکلاتدن دولای زنانک اسباب صهریتدن عد ایدلمسی

عائله لر بينده بي سود برطاقم دعوالر تگورنه سيبيت ويره جيكي درکاردر . بومطالعاته بناء زنا صهریتی مستلزم اسباب میاننده تعداد ایدلدی .

اعلان — نکاحك اعلانی صدر اسلامدن بری بر امر مسنون اولوب حتی عقدك جمعه كونلری مساجد شریفهده اجرایی مندوبدر . واشبو اعلان کیفیتي بالجمله ممالك اسلامیهده فقط صور مختلفهده اجر ایدللمکدهدر .

فی الحقیقه اهمیتی درکار اولان نکاحك اعلانی شرعاً مطلوب وملتزم اولوب حتی حین عقدده شهودك اشتراط حضوری بو مقصده مبنی اولدینی کبی نکاحك قبل العقد اعلانی بوبابده وجودی ملحوظ مدعیلری و طرفین بینده رضاع بولندیغنه مطلع بولنلری وقتیه خبردار ایدرک عقدك اجراسندن میدانه کلسی ملحوظ قنالقارک اوکنی آلمق متللو نیچه مصالحی محتوی بولندیغندن ۳۳ نجی ماده بوکا حصر ایدلدی .

نکاحده الفاظ صریحه استعمالی — علمای حنفیه حضرائی نکاحك الفاظ کنویه ایلهده عقدینی تجویز ایتمشلردر . حالبوکه الفاظ کنویهك حکمی توقف اولوب حکم افاده ایتسی نیت ویاقرینه به متوقفدر . هرلسانده عقد نکاح ایچون الفاظ صریحه موجود اولدیغندن نکاح کبی بر امر مهمده اختلافات ظهورینه باعث اوله بیله جک الفاظ کنویهك قبولنده بر ضرورت یوقدر . دیگر طرفدن امام شافعی و امام احمد بن حنبل حضرائی نکاحك انجق تنکیح رترویج لفظلویه والسنة سائردهده دخی بونلرک مقامنه قائم اولوب طرفین عاقدین ایله شاهدلرک اکلایه جقلری لفظلرایله منعقد اوله جفتی قبول ایتمشلردر . مشارالیه مانك رأی نکاحك هر درلو شهادتن وارسه فالسفی تأمین ایتدیکنندن ۳۶ ماده بواساس اوزرینه تنظیم ایدلدی .

عقدنامهك تنظیم وتسجیلی — نکاحك نظر شریعتده طرفینك ایجاب وقبولیه منعقد اولان عقود سائردهده هیچ برفرقی یوقدر . حین عقدده شهودك لزوم حضوری و امر اعلانك اجراییده مجرد عقدی توثیق ایتک و طرفینی تهمت زنادن مصون بولندیرمق مقصدينه مبنیدر . بوجهته عقد نکاحك یالکزی ایکی شاهدك حضوریه بالذات زوج وزوجه طرفندن اجرایی شرعاً معتبر اولوب مسجد شریفهده ویا دیگر بر محل مخصوصده علمادان بر ذات طرفندن مراسم مخصوصه ایله اجرایی مشروط دکدر . بونکله برابر نکاح اهمیت مخصوصهینی حائز بر عقد اولق حسیله شانه رعایه چوق و قتلر مساجد شریفهده

عقد اوله کلسدر. لکن برمدتله مالک عثمانیه ده عقد نکاحک اجراسی پک انتظامسز برحاله کیرمش وزده ایکی شاهد حاضر بولونورسه هان اجراسنه تشبث اولونمشسدر. کرچه بالاده عرض و بیان اولوندینی اوزره ایکی شاهدک حضوریه اجرا ایدیلان عقد نکاح شرعاً صحیح و معتبر ایسه ده بویه مهم بر عقدک انتظام دائره سنده جریان ایتمه مسندن پک جوق یولسز اقلر حصوله کیش و موانع شرعیسی اولان نیجه قادیلرک اجرای عقدیه اشخاص سائرته ابطال حقوقی جهته کیدلمشدر. حالوکه حین عقدده احکام نکاحه واقف بر ذاتک حضوریه عقدنامه یی تنظیم ایتیمی ده بر امر مندوب اولدیفندن وبویه بر عقدنامه تنظیم وتسجیل اولدیفنی تقدیرده ایلریده عقدک وجودی و یا مهرک مقداری حقیقه ودها بر جوق مسائله ظهوری ملحوظ اختلافاتک اوکی آله جفندن ۳۷ نجی ماده بواساسه بنا ایدلیدی کبی وظائف مذکورته نک نفوس و یا بلدییه مأمورلرینه و یا کاتب عدلله تودییی جهتی ده دوشونلش ایسه ده حکامک هر خصوصده ولایت عامه یی حائز اولماسنه و عقدنامه نک بلایینه مضمونیه عمل ایدلسی مقتضی اولان و نائق جمله مسندن بولونمسی لزومه بناء اشبو وظائفک حکامه تودییی ده مناسب اوله جنی ملاحظه اولونمشسدر.

مهر مثلك اسباب کفائتدن عدايدلمدیکی - امام اعظم ابو حنیفه رحمه الله حضرتلرینه کوره مهر مثل اسباب کفائتدن اولوب بر کیره نفسی ولو کفویته مهر مثلدن نقصان ایله تزویج ایتسه اولیانک حق اعتراضی واردر. مذهب مختار دخی بواساسه مستنددر. حالوکه بر قیز رشیداً بالغ اولدقدن صکره تصرفات مالیه سنده ولایت مرتفع اولدیفنی کبی مهرک تعیین مقداری دخی معاملات مالیه دن اولمق حسیلله بو بایدده مرتفع اولمق لازم کلیر. حتی امامین حضراتی مهر مثل مسأله سنده اولیانک حق اعتراضی اولمادیقنه قائل اولدقلری کبی امام مالک و شافعی حضراتی ده بوجهتی قبول ایتشاردر. فی الحقیقه کفائت مسأله سنده اولیا یه حق اعتراض و برلمسندن مقصد قیزک معامله سیله عائله سنه طاری اولان عاری دفع ایچوندر. حالوکه زمانزده جریان ایدن افکاره نظراً بالعکس مهرک مقدارنده کی نقصاندن دولایی موجود بر عقدک فسخته قیام ایتک موجب عار اولوب نکاحی بر معامله مالیه درک سنه ایندیرمک دیمکدر. اشبو اسبابه بناء لایحه ده مهر مثلك نقصانی حسیلله ولینک حق اعتراضی اولمادینی قبول ایدیلهرک ۴۷ نجی ماده بواساسه کوره تنظیم ایدلدی.

نکاحک بطلان و فسادی - معاملاتنده بطلان اصلاً ووصفاً غیر مشروع بولونمق،

فساد، اصلاً مشروع و فقط وصفاً غیر مشروع بولونمق مغالرینه اولوب ماهیتلری اعتباریه آره لرنده بوصورتله برفرق بولوندینی کی بطلان اوزرینه هیچ بر حکم ترتب ایتمک، فساد اوزرینه ایسه بعض احکام ترتب ایله مک اعتباریه ده برفرق واردور. معاملاتده بویه اولدینی حالده مناکحانده بطلان ایله فساد آره سنده برفرق اولمایوب الفاظ مترادفه قیلندن اولدقلری «فتح القدیر» کی بعض معتبرات فقهیه ده بیان ایدیلور. حالوکه مؤلفات مذکوره دخی داخل اولدینی حالده بالجمله کتب فقهیه ده ولوکه بیهلرک اولسون محارمی نکاحک، امام اعظم حضرتلری عندنده فاسد و امامین حضرتانی عندنده باطل اولدینی درمیان و «در المختار» ده ده «مجمع الفتاوی» به عطفاً بر غیر مسلمک بر مسلمه یی نکاحی باطل اوله جنی و بناء علیه اونندن نسب ثابت و عدت لازم اولمایه جنی ایان اولونیور. بوندن اکلاشیلورکه مناکحانده دخی بطلان ایله فساد برشیدن عبارت اولمایوب باشقه باشقه ماهیته درلر. بو جهته و بیع و اجاره کی معاملات متعلق اصطلاحات قانونیه ایله مناکحانه عائد اصطلاحات قانونیه آره سنده انسجام و اطرا ده خلل ویرمه مک مقصیده «فتح القدیر» صاحبی ابن هاهک و اوکا تبعاً و در المختار، مؤلفی ابن عابدینک بیاناتی انجمن مزجه اختیار ایدیلوب بالعکس نکاح باطل ایله نکاح فاسدک بوجه معروض باشقه باشقه ماهیته اولدقلری اساسی قبول ایدلمش و دردنچی بابک محتوی اولدینی احکام بو اساسه کوره تنظیم اولونمشدر.

امام اعظم حضرتلری هیچ دخل و صنعی اولمایه رق دنیا به کلن بر چوجنی ولد غیر مشروع عد ایدرک حیاتی هدر ایتمکدن ایسه مهما امکان احیاسی جهته کیمک اولی اولدینی بالیان فقهک مساعدیه یی نسبتنده امر نکاحده بطلاندن زیاده فساد جهتی التزام ایتدکلرندن مشارالیهک زمانزه پک موافق اولان اشبو رأی عالیلری ترجیح ایدیلرک [۵۵-۵۶] نجی ماده لر بو اساس اوزرینه تنظیم و ۵۸ نجی ماده ده سالف الذکر (مجمع الفتاوی) ده محرر فتوا به کوره تحریر ایدلمشدر.

نکاح مکره — مذهب مختاره کوره اگر اه ایله وقوع بولان نکاح معتبردر. عصر لر دنبری اجرا ایدیلن تجربه به کوره بو حکم مختار بر طاقم شیرلره جرأت ویرمش و بر چوق ناموسلی عااله لرک شرف و حیثیتی اخلا له سبب اولمشدر. نیجه مخدرات قاجیر یلار ق اعمال جبر و شدت ایله اشرادن برینه نکاح ایدلمش و مؤخرأ عااله لرک قیزلرینی قورتارمق ایچون

وقوع بولان تشبثلری عقیم قالب بو حال چوق کره بویوک فلا کتار انتاج ایله مشدر .
 حالبوکه نکاح مکرهک عدم صحتنه قائل اولان امام شافعی رحمه الله علیه حضرتلرینک قولی
 قبول ایدلدیکی تقدیرده بو درلو قنالقارک اوکی آلتش اولاجقندن ۵۷ ماده مشارالیهک
 رأینه توفیقاً تنظیم ایدلدی . تعدد زوجتهک واجباتدن اولیوب امور جائزدهن اولمسه
 وامور جائزده ولی الامرک تصرفه صلاحیتی قاعده سی مسلماتدن بولونمسه بناءً تعدد
 زوجتهک منع ایدلسی و هیچ اولمازسه ایلك زوجتهک رضاسنک شرط قلمسی لزومی
 وارد خاطر اولش ایسه ده شرع شریفک تعدد زوجیه مساعدیه سی فحشک منی و نفوس
 اهلینک تزییدی کی نیجه اسباب و مصالحه مستند اولوب قادینارک ارککلردن اضاف
 مضاعفه زیاده اولدینی حال حاضرده تعدد زوجتهک جوازینه اولان احتیاج صدر اسلامدن
 دون بولونماهنه و حسب البشریه هیچ بر قادینک ضریه موافقت ایتیه چکی طبعی اولوب
 بو حالده کیفیتی اولنرک رضاسنه تعلیق ایتک منعه معادل بو صورتده جوازنده کی مصالح
 زائل اوله جفته و علی الخصوص ۳۸ ماده ده قبول ایدلدیکی اوزره نکاحک شرطه تعلیق
 جائز اولوب ضره ایسته مه ین قادینک حین ازدواجده بونی شرط قیلما دینی صورتده ضریه ده
 دلالتنه موافقتی حاصل بولنه جفته و تعدد زوجاتک جوازنده بر امر اضطراری اولان محبت
 قلبیه دن ماعدا هر خصوصده زوجله اره سنده تمامیه عدل و مساواته رعایت شرط اولوب
 زمانزده ایسه حسب البشریه بو شرطک شرعاً مطلوب اولدینی وجهله اجرایی متعسر
 و یلکه ده متعذر اولدیقندن شرط مذکورک وجودی تعدد زوجات قضیه سندن ملحوظ
 اولان محاذیرک فعلاً وقوعنه مانع بولنه جفته منی تعدد مذکورک ایریجه منی جهتی التزامه
 لزوم کورله مش و بونک مقامنه قائم اولق اوزره ذکر اولان شرطی محتوی ۳۸ ماده نک
 تحریریه اکتفا اولونمشدر .

مهرک اقل مرتبه سی — علماء حنفیه کوره مهرک اقل مرتبه سی اون درهم کوموش
 اولق اوزره شرعاً معین اولوب طرفین بوندن اقل تقدیر ایتدکلری صورتده اون درهم
 کوموش لازم کلیر . انجق اون درهم کوموش زمانزده کی قیمتی اعتباریه بر شی خسیس
 اولوب ملککتک هیچ بر طرفده بومقدارده مهر تهینی طرفینک فکرندن مرور ایتیه چکی کی
 درهمک صدر اسلامده کی قوه استثناییه سی نظر اعتباره آلتیرسه هم قاعده یه مخالف همده
 چوقلرینک تأدیه ایدمه چکی بر حده واصل اولور . علماء حنبلیه رحمه الله حضراتی

عقدنده ايسه مهرک اقل مرتبه سی ایچون بر حد متصور اولمایوب طرفینک رضاسیله تعین ایده جکندن اشبو لایحه ده مهرک اقل مرتبه سنه تعرض ایدلیه رک طرفینک بالتراضی تعین ایده جکلری مقدار مالک لازم کله جکی قبول و ۸۰ نجی ماده بواساس اوزرینه تنظیم ایدلدی. مهر مثلك حکم اتحادی — مهرک مقدارنده اختلاف وقوع بولسه امام اعظم و محمد حضراتنه کوره مهر مثل حکم قیانور. اگر زوجک مدعاسنه مساوی ویا اوندن دون ايسه زوجنهک یینه سی ترجیح اولنور. زوجنهک مدعاسنه مساوی ویا اوندن زیاده ايسه زوجک یینه سی ترجیح اولنور. مهر مثل هانکی طرفه شهادت ایدرسه یمین اونکدر. مهر مثل زوجینک مدعاری یینده اولور ايسه ایکی سنه ده یمین تکلیف اولنور. هانکی سی نکول ایدر ايسه سوز آخر کدر. ایکی سیده شاهد کتیر ویا ایکی سیده یمین ایدر ايسه مهر مثل لازم کاور. بر مدتدن بری فتواخانه جه بو قول قبول ایدلشددر. حالبوکه بو طرز محاکمه غایت مغلق اولوب دعوالرک سنین وفیره امتدادینی موجب اولدینی کبی شمدی یه دکن بوبابده اصولنه موافق بر اعلام صدورى واقع ايسه اندردر. حالبوکه ابو یوسف رحمہ الله حضرتلری زوج عرفه غیر موافق بر شی ذکر ایتدیکی حالدہ سوز اونک اولدیفنه قائل اولمشدر. بوراده دخی قول مذکور اختیار ایدیلرک ۸۷ ماده اوکا موافق صورتده یازلشددر.

طلاق سکران — جمهور علما حضراتی سکری طریق حرام و طریق مباح ایله اولق اوزره ایکی یه تقسیم ایدوب طریق حرام ایله سکران اولان کیمسه نک طلاق معتبر و طریق مباح ایله سکران اولان کیمسه نک طلاقى غیر معتبر اولدیفنه قائل اولمشلردر. حالبوکه بوراده مقصد جنت موقته خالنده بولنان کیمسه نک طلاقى مسئله سیدر. مجنونک طلاقى واقع اولمادیقه نظراً بو حکمده اولان سکرانک طلاقى دخی صورت مطلقه ده معتبر اولماق لازم کلیر.

سکرک طریق حرام ویا طریق مباح ایله اولمسنه کوره طلاق خصوصنده بر فرق اولماق ایجاب ایدر. کرچه زوج بر امر حرامی ارتکاب ایتدیکندن دولایى حقده جزا ترتیب ایدیلر بیلر سده امر ممنوعه جزا ترتیب ایتمکله جنت موقته خالنده یاپدیغندن دولایى هیچ بر حکم افاده ایتمه سی اقتضا ایدن بر فعلنه اثر ترتیب ایدرک برعائله نک محویه کیمک یینده بر مناسبت تصور ایدیلر مامش وعلی الخصوص زمانمز کبی فسقک شیوع بولدیکی بر زمانده عائله لرک ثبات ودوامی سرخوشلغک طریق حرام ویا طریق مباح ایله اولمسی یینده کی

فرقه بنا ایتک اونلری پک چوروك بر تمله استناد ایتدیر مک دیمک اوله جنی درکار بولونمشدر . حالبوکه محمد بن سلام حضرتلری طلاق سکرانک غیر واقع اولدینه قائل اولدینی کبی « کرخی » ایله « طحاوی » بونی اختیار ایتمشدر . تاقارخانه ده دخی مسئله بویله نقل ایدلمشدر . امام شافعی رحمه الله حضرتلرندن هرروی اولان ایکی قولدن بریده بودر . عثمان بن عفان رضی الله عنه حضرتلرندن ده بویله روایت ایدلمشدر . اسباب سالفهیه بناء لایحه ده سرخوشک طلاق واقع اولمادینی قبول و ۱۰۴ نجی ماده بوبولده تنظیم ایدلدی . طلاق مکره — برده طلاق مکرهک معتبر اولسی جمهور طرفندن قبول ایدلمش ایسه ده لفظ طلاق زوجدن کرهأ صادر اولدینی حاکم حضورنده ثابت اولدندن صکره اوکا شرعاً برچاره بولمقدن عاجز قالمق موافق مصالحت اولمادندن بشقه امثالی تشویق ایتک دیمکدر . حالبوکه « خانه » ده بر کیسه طلاق اقراره جبر اولونوب اوده اقرار ایلسه طلاق واقع اولمایه جنی بیان ایدلیدی کبی « تلویح » ده دخی مکرهأ طلاقک باطل اولدینی کوسترلمشدر . وامام مالک ابن انس الاصبحی حضرتلرینک ده مقبولی اولان رأی مذکور احوال زمانه ده موافق کورلمسکه ۱۰۵ نجی ماده اوکا کوره تنظیم ایدلدی . طلاقده مستعمل الفاظ کنویه — بالجمله مذاهبده طلاقک الفاظ کنویه ایله ایقاعی صحیحدر . انجیق اشبو الفاظ کسب معروفیت ایتدیکی حالده اونلرله طلاق وقوعی مذهب مختاره کوره یازوجک نیتنه ویا دلالت حاله متوقفدر . کرچه زوج طلاقه اهل اولمق حسیله تعمداً بر لفظ کنوی ایله ایقاع طلاقه صلاحیتی درکار ایسه ده کندیسنک اوایله بر نیتی یوق ایکنی حالک دلالتنه استناداً سوزندن مقصودی اولمیان بر معنی استنباطیله طلاقک وقوعنه قائل اولمق نکاحک ممکن مرتبه محفوظیتنه رعایت ایدلسی و حیات طئهک خللندن لزوم وقایه سی قاعده سنه مخالفدر .

امام شافعی رحمه الله حضرتلرینه کوره الفاظ کنویه ایله طلاقک وقوعی مطلقانیتنه متوقفدر . فی الحقیقه زوج نیت ایتش ایسه دلالت حال بولونسون ویا بولونماسون بر لفظ کنوی ایله طلاقک واقع اوله جنی درکار ایسه ده نیت ایتدیکی حالده کندی سوزندن مقصودی اولمایان بر معنی استنباطیله منحصرأ اوکا عائد اولان طلاقک وقوعنه قائل اولمق موافق مصالحت کوروله مامش و بناء علیه ۱۰۹ نجی ماده مشار الیهک قولنه کوره تنظیم ایدلمشدر .

مفقودك زوجہسی — مفقودك زوجہسی ومالی حقندہ كرك سادات حنفیہ وكرك دیگر مجتہدین حضراتی بیندہ اختلافات کثیرہ واقع اولمشدر . مذهب مختارہ کورہ مفقودك ولادتندن اعتباراً طقسان سنہ سرورندن و بر تہلکہ ومخاطره زمانندہ مفقود اولمش ایسہ مماتی حقندہ ظن غالب حصولندن صکرہ موتیلہ حکم اولنور . اموالی او زمانندہ موجود اولان ورثہسنہ ویریلیر وزوجہسنک تفریقہ حکم ایدیلیر . اشبو مذهب نکاحك لزوم محفوظیتی اساسنہ مستند ایسہدہ زوجہنك حقوقنی اصلاً نظر اعتبارہ آلامقندہدر .

امام مالک حضرتلری مفقودك دار حربہدہ ویا دار اسلامدہ غیوبت ایتدیکنہ وبوغیوبتک بر تہلکہ اثناسندہ اولوب اولدیغنہ کورہ كرك زوجہسی وكرك مالی حقندہکی حکمی درت حالہ ارجاع ایتمش وبلا محاربه دار حربہدہ غائب اولانلری اسیر عد ایدرك كرك مالی وكرك زوجہسی حقندہ مدت انقراض اقران اولان یتمش سنہنی نظر اعتبار آلمشدر .

زمان حربہدہ دار حربہدہ ضایع اولانلر حقندہ اوچ روایت وارد اولوب اوچنی روایتہ کورہ دار اسلامدہ غائب اولانلر ایلہ بر حکمدہ عد ایدلمشدر . دار اسلامدہ بر مہلکہ اثناسندہ غیوبت ایدنلرك كرك وزوجہسی وكرك مالی حقندہ طرفین مخاصمینک محللرینہ عودتنہ قدر مرور ایدن مدتی کافی عد ایتمش وبر مہلکہ اولمایہرق غیوبت ایدنلرك مالی حقندہ یتمش سنہنك ختام بولسی وزوجہسی حقندہ دخی مراجعتی اوزرینہ حاکمك اجرا ایدہجکی تحقیقات نتیجہسندہ حیات وماتنہ اطلاعندن یأس حصولندن اعتباراً درت سنہ صکرہ نکاحك فسخہ حکم ایدلمسی رأیندہ بولونمشدر . مشار الہك زوجات حقندہکی رأی زمانك افکار واجباتنہ موافق اولدیقندن ۱۲۷ نجی مادہ او اساس اوزرینہ تنظیم ایدلمشدر .

وفاتنہ حکم اولنان زوجك زوجہسی شخص آخر ایلہ ازدواج ایتدکدن صکرہ بر حیات اولارق ظہوری حالندہ علی الاطلاق نکاح ثانینك منفسخ اولمایہجقنہ دائر «بہجۃ الفتاوی» دہ برفقوی موجود ایسہدہ «ردالمحتار» دہ ابوالسعود مرحومہ عطفاً بالعکس نکاح ثانینك منفسخ اولہجفی محرردر محسوسك خلافہ واقع اولان حکم اصلاً معتبر اولمایہجقندن بر کیمسہنك بر حیات اولہرق ظہوری وفاتی حقندہ وقوعبولان

حکمك بطلان وانفساخنى مستلزم اولور . بونك ايجوندر كه شخص مذكور ورثه سنده توزیع ایدلش اولان اموالى استرداد ایدر . بر کیمسه به اموالى استرداد ایتدیر و بده زوجیه سنی استرداد ایتدیر مه مک تجزی قبول ایتمه یں حکمك قسماً بطلانسه ، قسماً ده صحتنه قائل اولمق دیمك اولور كه فقهاً ومنطقاً هیچ بروجهله تجویز اولنه ماز . خصوصیه زمانم زده بونی تجویز ایتك فساد اخلاق حسیله بر چوق قنالقلمه میدان ویرمك دیمكدیر . بوملاحظه به منی ۱۲۹ نجی ماده مشارالیه ابوالسعود مرحومك رأی اوزره تحریر اولونمشدر . امانكاحك فسخنه حکم اولونمش ایسه بوصورتده نکاح اول حکم حاکم ایله ابطال ایدلش اولاجقندن ارتق زوجك بر حیات اوله رق ظهوری اشبو حکمك و بناء علیه نکاح فانینك بطلاتی مستلزم اولمایه جقندن ۱۲۸ نجی ماده بووجهله تحریر ایدلشدیر .

طائله مجلسی — اشبو لایحه ده شمعی به قدر تطبیق ایدلامسی حسیله مملکت مزایچون پك یکی اولان بر اصول قبول ایدلشدیر كه زوجین اره سنده شقاق ظهوری حالنده حکمه مأذون بر طائله مجلسی یعنی طرفین طائله لرندن منتخب بر حکم هیئت تشکیلیدر . بویله بر حکم هیئتك لزوم تشکلی مأموریه اولدینی حالده مملکت مزده تطبیق ایدیلده مه مسنك سبی عند الحنفیه هیئت حکمیه نك یالکز اصلاح بینه مأذون اولسی و طرفین جانبندن توکیل ایدلدیجه بینلرنی تفریقه صلاحیتدار اوله مامسیدر . حالبوکه ایش یالکز اصلاح بینه قایلر سه اختیار کلفت ایله اولیله بر هیئت تشکیلنه محل اولیوب اوتقه دنبری هر نه زمان زوجین محکمیه به مراجعت ایدر سه حکام قبل الحکم اونلر حقنده مصلح وظیفه سنی ایفایه چالیشمقده درلر . زوجینك هیئت حکمیه به وکالت ویرملری ایسه اختیاره منوط بر کیفیت اولوب حقمنز اولان طرفك بو بایده وکالت ویرمه چکی درکاردر . دیگر طرفدن مذهب مالکیده وکالت شرط ایدلمکسزین هیئت حکمیه به حکم صلاحیتی اعطا ایدلمکده در . شویله که حکملر طرفینك اصلاحی قابل اولدیغنه قناعت حاصل ایتدکلری صورتده حقمنزلق زوجده ایسه بلایدل زوجنه نك قهریقنه و زوجده ایسه مهرك مجموعی ویا بر قسمی ایله مخالفه لرینه حکم ایدرلر . حکمینك حکمی زوجین حقنده لازم الاجرا اولوب اونلرک بو بایده مؤخرأ سرد ایده جکاری اعتراض قبول اولونماز . زیرا بو حکم شهادته مستند اولمایوب بلکه طرفینك احوالنه نظراً تقدیره مستنددر . بو بایده مذهب مالکینك قبولی مملکت مزده طائله لر ایچنده موجود

يك چوق اويغونسزلقلارك رفع وازالاسنه خادم اوله جنی وعلى الخصوص زوجه لرینه ظلم واعتساف ایتدکلی حالده طلاق کندی اللرنده اولقی حصیله حق لرنده تفقه تقدیرندن باشقه بر معامله اجرایی ممکن اولیان زوجلارك معامله اعتسافکارانه لرینه نهایت ویره چکی مطالعه سیله قول مذکور قبول و ۱۳۰ نجی ماده او اساسه کوره تنظیم ایدلمشدر .

کنج معتده نك حیضدن انقطاعی . — ذات حیض اولان کنج برزوجه هنوز عدتی اکال ایتمکسزین حیضی منقطع اولسه مذهب مختاره کوره سن ایاسه واصل اولمادجه اوج حیضی اکال ایدنجهیه دکن بکلمکه مجبوردر . ولوکه مدت مدیده دوام ایتمسون . سن ایاسه وصولدن صکره دخی اوج آی عدت بکله مسی لازم کلور . بورای عدتی اکال ایتمه مسی حصیله زوج آخره وارمقدن ممنوع اولان زوج حقه حقه نه قدر مضر ایسه عدتی اکال ایدنجهیه دکن اونی انفاقه مجبور اولان زوج حقنه حقه او قدر مضردر . طالبوکه امام مالک حضرت لرینه کوره اولیه برزوجه ایچون عدتک لزومی زمانندن اعتباراً طقوز آی بکله کدن صکره اوج آی عدت بکله مک کافیدر . اعظم متأخرین حقیقه بو مسأله ده امام مالک قولیه فتوایی تجویز ایتلمشدر . اشبو لایحه ده دخی قول مذکور قبول ایدیلرک ۱۴۰ نجی ماده او اساس اوزره قلمه آلمشدر .

بعض اصطلاحات . — سهل الادراک برطاقم ملاحظاته مبنی اشبو لایحه ده آتی الذکر اصطلاحاتک قبوله لزوم کورلمشدر: خلوت یرینه « اجتماع » خلوت صحیحه یرینه « اجتماع صحیح » خلوت فاسده یرینه « اجتماع فاسد » دخول یرینه « قرب » اصطلاحاری قبول ایدلمشدر .



قانون جزانک ۲۰۰ نجی ماده سنک ۱۹ ربیع الاخر ۱۳۳۲ تاریخی

ذیل تالیسی معدل قرارنامه

[تقریم و قایم ایله نشری تاریخی: ۱۴ محرم ۱۳۳۶ و ۳۱ تشرین اول ۱۳۳۳ — نومروسی: ۳۰۴۶]

ماده: ۱ قانون جزانک ایکی یوزنجی ماده سنک ۱۹ ربیع الاخر ۱۳۳۲ تاریخی ذیل تالیسی بروجه آتی تعدیل ایدلمشدر: « حاکمک ویانا بک حضوریه عقد نکاح خصوصنده کی مجبوریت قانونیه رعایت ایمان زوج ایله موجود ایسه طرفین وکیلاری

بر آیدن آلتی آیه قدر وبوکي عقدلرده شاهد صفتيله حاضر بولنانلر بر هفته دن بر آیه قدر حبس اولتورلر .

مراسم قانونیه یی ایضا ایتمکسزین عقدنامه تنظیم وتسجیل ایدن حاکم ویانائی ایله حاکم ویانائب حاضر اولقسزین خلاف صلاحیت نکاح عقد ایدن ائمه دخی بر آیدن آلتی آیه قدر حبس ایدیلر .

غیرمساهلرک نکاحی ایچون حاکم ویانائی ویاحاکمک اعزام ایده جکی مأمور مخصوص حاضر اولقسزین عقدنامه تنظیم وتسجیل ویابالذات اجرای عقد ایدن مأمورین روحانیه ایله کندیسنه اخبار واقع اولدینی حالدده وقت معینده مجلس نکاحه مأمور مخصوص اعزام ایتمیان حاکم ووقت معینده مجلس نکاحده اثبات وجود ایلمان مأمور مخصوص کذلک بر آیدن آلتی آیه قدر حبس ایله مجازات اولتور .

تحت نکاحده بولنان برقادیخی بیلهرک تزوج ایدن وبویله عقدلرده وکیل ویاشاهد صفتيله بیلهرک حاضر بولنان وبوکي مناسکاتی بیلهرک عقد ایدن ویاعقدنامه سنی تنظیم وتسجیل ایلمانلر آلتی آیدن اوج سنه یه قدر حبس اولتورلر .
زوجه سنی تطلیق ایتدیکنی اون بش کون ظرفنده حاکمه اخبار ایتمیان کیمسه بر هفته دن بر آیه قدر حبس اولتور .

ماده : ۳ اشبو قرارنامه نك اجراسنه عدلیه ناظری مأموردور .
مجلس عمومینك اجتماعنده قانونیتی تکلیف اولتمق اوزره اشبو قرارنامه نك موقع تطبیقه وضعی اراده ایلدم .
۸ محرم ۱۳۳۶ ۲۵ تشرین اول ۱۳۳۳

محمد رشاد

عدلیه ناظری
خلیل
صدراعظم
محمد طلعت

